

三集

案

凡

見

凡

捉刀論附

士大夫達而在上父母斯民
獄無大小罔不究心焉即窮
而在下操筆從公者憂人之
憂急人之急獄無大小亦罔
不究心焉其究心奈何一曰

定識見案情百出無窮若
察義於落昧之初辨決於
研訊之下盡其心以求之揆
其始終以剖斷之如是可
以完案如是不足以完案胸中
了然然後識見定而辦理無

雅矣二曰至格局每一案
每一段有詳畧有順逆有
閒架線索有剪裁穿插自
然之結構焉執此諸法一
線穿成整齊不支
不漏格局完善矣三曰傳

筆仗筆仗宜簡不簡不
老練宜辣不辣不醒透
宜圓不圓不周到有筆仗
而識見格局相因愈見無
筆仗而識見格局雖美弗
彰是不可強而能也是善

有存也耶亟返其存而自
得之

朱叟辛筆





續纂駁改比照成案所見三集目錄

○名例

恩詔

恩詔後緣事革職不准請封所請
誥軸着繳銷仍罰

俸一年

文武官犯私罪

進士舉貢生監如黨惡夥匪卑污下賤照平人例一律

辦理

常赦所不原

賊犯 赦前到官援免 赦後到官仍行寬徒

流犯在道會赦

有關人命徒罪案件遇 赦專案咨部

犯罪存留養親

雇人頂名代考擬軍不准留養

寬軍地方

逃流改發寬軍不准發雲貴兩廣地方

○職制

舉用有過官吏

降調人員捐復部駁不准留任奉 旨姑念辦理兵差
着照督請後不爲例

前後接算五年俸滿題陞同知部駁不准巡撫罰俸九
個月

擅勾屬官

已革刑書私收放地不肯繳價知縣依法杖責致斃奉

地方官緝拿要犯誤拿形跡可疑之人奉 旨免議

營員駐劄本有彈壓之責民人酗酒滋事當予杖責致

斃罪所應得毋庸革職

外委巡洋鎗傷多命問擬斬候奉 旨民船不服查問

又用石擲打致鎗斃命事屬因公分責革寬免治罪
民人私設斗行縣禁不遵上控府審擬以枷責行縣
發落又挺撞抗官致責身死撫叅革審奉 旨予以
降調亦足蔽辜

○公式

事應奏不奏

武員俸滿調取引 見始奏衰老該員降頂帶二級休

致督撫議處

總兵將無辜作爲逆犯知縣力爭保釋扶同總兵通報
作爲獲犯正法戮屍

○田宅

檢踏田糧災傷

賑饑自應錢米並用不可另派大臣

○倉庫

攬納稅糧

生員攬納糧米多取費用照誑騙治罪枷號監生與人

代納重杖斥革

侍衛包攬漕米赴縣說情知縣捏詞具稟叅審奉 旨

從寬知縣革職留任侍衛改擬杖徒

那移出納

遊擊賣用物件派累兵丁那移草乾銀兩律應擬徒從

重發伊犁當苦差

冒支官糧

冒名領米爭毆摔斛首犯擬斬立決從絞候奉

旨減一等發落包攬領米枷號

倉庫不覺被盜

解員失銀地方官不報革職加徒三年

轉解官物

解餉被竊長解官僉差官俱革職拿問知縣公出亦革

職拿問

隱瞞入官家產

經歷署縣事任內分賠民欠耗羨七百餘兩承辦災賑
核減銀一萬五千餘兩不准豁免解部監禁再行確

查

○課程

鹽法

訪派當商分辦鹽引呈明無力飭查屬實未便領辦以致貽悞續查有力情願繳克公銀二十五萬

匿稅

題開鉄山奉部駁查覆勘請封原勘官部議應查叅議處

○儀制

旌表貞節惟再醮不准外餘不論犯人罪名婦人俱准

比例 旌表耑本具題

○軍政

從征違期

玩愒巡洋並無失事比照逗遛觀望不依期進兵失誤
軍機律擬斬監候

捏報會哨發往伊犁當差如果風大難行准知會改期
主將不固守

副將在洋被盜擊毀船隻捏報遭風知縣扶同混稟副
將發伊犁知縣杖徒不准援赦

縱軍擄掠

兵丁強鎖吏目照軍營鼓噪例卽行正法

從征守禦官兵逃

衝散潰兵在村藏匿不卽投出外擬發伊犁克當苦差

奉旨給兵爲奴

巡洋兵船被刦捏報遭風總兵扶同具報同在船兵丁

俱擬斬候

傷血耳屋

出征兵丁沿途病故長支銀兩准其寬免

○關津

盤詰奸細

總兵捏報會哨革職拿問發軍臺効力

○郵驛

遞送公文

跑役馳送軍機公文遲悞奉 旨正法

多乘驛馬

閩省軍務添設正腰各站部駁查明具奏奉 旨照咨

辦理

○賊盜

謀叛

天地會匪另犯搶殺等案請 旨斬決如無別犯概行

發遣

會匪又犯命盜重案恭請 王命正法

造妖書妖言

京師重地匠頭假降出神女僧混稱老祖活佛不分首

從俱擬絞決奉 旨匠頭立決女尼絞候

天地會匪本省無可質訊之處部駁卽行正法不必解

回

監守自盜倉庫錢糧

串書幫辦漕米浮收串賣分肥照枉法贓擬絞從犯爲
奴厥書杖流官發軍臺當差

常人盜倉庫錢糧

值宿外委偷竊庫銀外擬絞候部改立決

強盜

運弁捏報被盜外擬發軍臺克當苦差奉
旨照例杖

流加徒

知縣諱盜不報革職苦累事主之典史比照故勘致成

廢疾滿徒

盜案玩延二年不行審結臬司道府縣奉 旨提訊總

督降爲侍郎

強盜首犯斬決引線人雖未入室係畏認識亦行斬決
入室搜賍之犯証實首犯不能狡賴改爲斬候承審

官發伊犁

濱海沿口行劫客船不得以情有可原聲請 其止在

外瞭望仍准聲請

窩盜分贓從重改發黑龍江爲奴

白搶晝奪

搶奪推倒事主擎壓拔刀搶銀從重發黑龍江爲奴船

戶聽從搶奪分贓滿徒

扒搶放火燒斃人命首犯恭請王命正法加功從犯

斬決不得財從犯發黑龍江爲奴

盜竊

車夫竊盜餉鞘依例絞決夥竊從犯部改絞候疎脫兵

丁擬流解官革職疎防地方官議處

窩匪竊贓勒贖多案首犯比照白晝搶奪三犯擬絞立決從犯分別軍徒

竊盜臨時用強傷死事主首犯卽斬傷人盜在家自縊仍戮屍梟示

行竊官船被覺起捕求無聲喊照強盜辦理地方文武俱行叅革

護解餉鞘被夫竊逃不報解官發軍臺効力贖罪兵役夫頭減犯人罪一等

竊盜臨時勒死事主五年後另犯竊案究出情由贓富

無存有簿可憑定案

詐欺官司取財

糧書多票重征從重爲奴用印家人未經查出減等滿
徒

鄉約索詐十兩以上尚未得財減徒又聽母賣控索銀
二千兩仍照蠹役克軍廢疾不准收贖

職員索詐典商武斷鄉曲從重收發黑龍江爲奴

發塚

割取屍頭訛詐首犯從重發黑龍江爲奴從犯滿徒

○人命

謀殺人

謀殺十歲以下幼孩，首犯斬決，加功從犯，奉旨亦行絞。

決

謀殺制使及本管長官

夷人謀殺土官，不分首從，請王命斬決。

謀殺祖父母、父母

瑤人挾嫌殺死胞兄一家三命，親戚三人請王命凌。

遲不加功，從犯爲奴。

殺一家三人

殺一家非死罪三人被殺之人絕嗣兇犯子雖年幼解部監禁俟至十歲再行閹割

欲殺姦妻之人不遇殺其妻女三命凌遲處死姦婦發伊犂爲奴

殺死夫妻二命其子發黑龍江給兵爲奴

兇殺二十餘人該犯凌遲梟示雖無子嗣將其兄姪解交刑部照例治罪各官議處

殺死一家三命尚有一二人受傷照保辜限期限內身

死卽照四命辦理

開毆及故殺人

拒姦不從立意殺死未經敘出情由部駁審明仍照謀殺斬候

携帶幼孩同行索食毆死先擬開殺部駁覆審改擬故殺秋審已過卽請正法

已革外委因不讓坐故殺現任外委因犯有病卽請正法

故殺姑嫂二命比照殺一家非死罪二人斬決

毆死惡丐奉旨減流追埋未經驗明傷痕訊無故出

革職免罪

夫毆死有罪妻妾

妻因病篤囑夫活埋比照殺妻擬絞

律應離異罪不至死照律離異罪千重辟照名分已

定科斷

威逼人致死

借債不還致中人押候身故部駁改監生斥革不准納

贖

總兵挾嫌掌打把總致令投河發軍臺効力并追埋葬
銀五十兩

○關毆

關毆

旂員酒後索欠爭毆刃傷人發伊犁起衅理曲亦發烏
魯木齊

毆制使及本管長官

水手毆彈壓承負照毆本管官例斬決

威力制縛人

汎官差兵鎗拿犯姦之婦致婦自戕部駁仍照原擬汎
兵絞候汎官發遣爲奴姦夫滿徒

妻妾毆夫

毋毆死父奉 旨駁飭其子到案時曾否卽行供出案
情查明分別辦理

毆祖父母父母

子與人爭毆失跌壓傷伊母身死撫臬錯定正兇知府
被叅揭部 欽差審明子改擬絞決撫臬革職知府

開復

婆媳與人通姦媳起意將夫謀死媳畏罪自戕婆應分

親母繼母分別予勾

繼母因姦致死前妻子女擬斬秋審情實親母因姦故
殺子女擬斬絕嗣秋審情實不致絕嗣俱永遠監禁

○訴訟

誣告

婿誣告妻父給毒藥謀害其姑奉旨改發爲奴女聽

夫誣証其父誣絞監候

誣扳良民被差訛詐氣忿身死誣扳之賊比照誣告致

死絞候差役比照竈役嚇詐斃命絞候

挾嫌捏情赴京誣告本犯照原犯絞罪請 旨正法從

犯及作狀人充軍

赴京控案審係全虛從重卽發伊犁爲奴生監一體爲
奴誣輕爲重仍加等治罪

瘋癲叩 聞審擬邊遠充軍奉 旨改發伊犁爲奴

主使僕婦誣告致死其夫屍遭蒸檢杖流加徒伴作受
賄摠報傷痕故入人罪杖流俱從重發黑龍江爲奴

知縣亦發新疆

教唆詞訟

舉人教唆詞訟希圖訛詐咆哮公堂從重發新疆克當

苦差

子孫違犯教令

婦女與人通姦父母羞忿自盡無論在室已嫁俱擬絞

決

○受賍

官吏受財

窩役追賍逼斃六命奉旨改爲立決知縣革職不足

蔽辜著革職拿問

典史短價買物差役催交相爭典史杖責後氣忿自盡
典史比照蠹役嚇詐致斃人命不計賍數擬絞監候
差役爲從杖流知縣公出亦降二級調用

佐領解犯得兵丁錢聽兵落後致犯脫逃賍未滿貫照
滿貫擬絞請卽正法奉 旨改爲監候

守備受賄拔補兵丁并得錢包差擬絞請 旨正法

守備得受偷渡船隻番銀外擬絞決說事過錢營書爲

奴奉 旨改爲斬決絞決

有事以財求請

絞犯減流雇人頂替到配知情書差一併擬絞請 卹

正法縣發新疆効力贖罪

在官求索借貸人財物

外委以訪逸犯爲名赴村搜查索詐外擬克發奉 旨

改爲絞決

知縣將珠當錢又用印票取看仍交回當舖照官吏求

索所部財物從重發伊犁

因公科歛

擅造民人戶管田冊科歛使費入己計賍以枉法論從重發伊犁克當苦差

書辦藉查山牒稟詐贓首犯從重發遣爲奴從犯克軍知縣革職

○詐僞

僞造印信時憲書

革役私雕假印誑詐愚民請旨卽行正法

詐教誘人犯法

劣幕主使作弊本官獲罪定案時卽與同罪

犯姦

輪姦已成從犯秋審已過入于下年情實

二人輪姦一本因姦婦控痛隱忍將首犯爲奴從犯發遣部駁首犯斬決從犯絞候

圖姦未成羞忿自盡不應引強姦未成字樣奉旨改

爲調姦

奴及雇工人姦家長妻

雇工強姦雇主之母未成外擬爲奴部改斬決併請爲

例

○雜犯

賭博

賭博拒捕傷官首犯卽正行法從犯奉 旨絞決餘犯

爲奴

失火

野火燒燬火藥看守兵丁枷號杖徒該管署遊擊革職

○捕亡

罪人拒捕

罪人拒捕分別事主官差問擬流遣

偷放他人塘水計所灌之田按畝科罪如已殺死照已
就捕執擅殺絞候

強盜拒捕殺死外委從重凌遲從犯斬決恭請 王命

先行正法

賊犯刀殺捕役請 旨卽行正法

徒流人逃

安插福建股頭脫逃知州吏目俱革職拿問道府司撫
俱議處

主守不覺失囚

荊州大水冲倒監獄犯人未帶刑具衝散無踪禁卒外
擬滿徒部改滿流

遞解秋審絞犯脫逃兵役加一等治罪

遞解回籍人犯脫逃不報知縣已告老仍革職拿交刑
部治罪

○斷獄

故禁故勘平人

巡檢濫刑致斃民命依律擬斬恐長刁風發烏魯木齊
克當苦差

死囚令人自殺

斬犯在監自縊禁卒比照以金刃與囚自殺杖八十徒

二年司獄同罪臬司降譴

依告狀鞠獄

先未查明叅奏奉 旨嚴行究辦後經審明不爲開復

反行擬罪奉 旨申飭議處

官司出入人罪

典史代驗命案得受店家銀兩不完私匿客人財物比

照故出人罪與犯同罪

河水冲漫民修隄工總督照盜決河防因而殺人律擬絞監候

續纂駁改比照成案所見三集目錄終

恩詔後緣事革職不准請封所請 誥軸着繳銷仍罰俸
一年

吏部會議得內閣奉

旨昨據孫 奏前請貤封曾祖父母於具奏後接准部咨
始知前次陳請與現例未符據實陳明等因令軍機
大臣交部查核孫 四十五年業已請過巡撫封典
此次不准重封業經該部照例扣除又查孫 四十
五年

恩詔後旋經緣事革職定例不准請封是該撫上次所請

封典已屬違例而從前吏部堂司各官未經詳查率
行准給均有不合孫 並吏部堂司官俱着分別察
議孫 上次所請封典誥軸著繳銷此次照新銜另
行給與封典摺併發欽此應將廣東巡撫孫 照違
令笞五十私罪罰俸一年例罰俸一年等因乾隆五
十年十一月二十一日奉

旨孫 著罰俸一年謝墉著於現任內罰俸六個月阿肅
永清孫家賢俱著銷去紀錄一次免其罰俸喻升階
著於補官日罰俸一年餘依議欽此

乾隆五十一年五月初八日准咨

進士舉貢生監如黨惡夥匪卑污下賤照平人例一律辦理

乾隆五十六年五月初四日奉

上諭刑部議覆江蘇省拿獲鹽犯謝鴻儀等分別治罪一摺案內孫元按以監生窩頓私鹽至四千觔以上特符庇匪未便因其係屬監生卽行免其爲奴應將該犯改發黑龍江給披甲人爲奴等語所奏是已依議行矣以部議從重原係遵朕諭令改者向來監生犯事罪應發遣者例祇發往當差與平人爲奴者定例

本未允協監生捐銜者多卽實在監生既名列成均
理宜畏法自愛若以定例從寬輒敢恃符玩法較之
無知愚民尤爲不肖且旣已犯罪斥革卽與平人無
異豈得因其原屬監生卽免爲奴致滋輕縱嗣後監
生犯事如有似此情罪較重者俱照平人一律辦理
至在籍候選之進士舉人其餘舉貢生員皆屬身列
衣冠名登黌序若能安分守法立品讀書爲小民倡
率原常加以優視別于齊民倘恃符縱肆自蹈刑憲
是卽不知君子懷刑之意爲士林所不齒免其加倍

治罪已屬施仁復轉較之平人從輕定擬何以明服
弼教嗣後進士舉貢生員等如祇係尋常過犯不致
行止敗類者仍照舊例辦理若係黨惡窩匪卑污下
賤者俱照平人之例問擬以示懲儆欽此

賊犯赦前到官援免赦後到官仍行充徒

乾隆五十五年十一月十四日奉

撫院郭 批臬司呈詳查看得西寧縣民洗肇基等

夥竊廩生李靄士家衣飾錢文一案緣洗肇基等貧

不守分乾隆五十三年十一月初四日洗肇基同洗

亞愷洗亞四洗細晚在大灣河旁弔魚撞遇熟識之

王昭華韋亞複區廷曾蔡日紅共談貧苦洗肇基稔

知李靄士家有蓄積起意偷竊賣錢分用各皆應從

約定是夜在河旁會齊至期更後畢集洗肇基攜帶

小刀一把餘帶布袋一個同夥八人二更時分齊抵
事主屋邊洗肇基韋再複洗細晚王昭華由靠屋樹
林越牆下院洗肇基用小刀撥開巷門門入內扭脫
房門鎖同韋亞複進房撬開箱內偷得贓物先後遁
交洗細滿王昭華開出大門轉交洗亞愷洗亞四蔡
日紅區廷曾接收因事主家人醒覺呼喊洗肇基等
奔出同各犯携贓走至洗肇基家查點共得衣服七
十一件褲二十九條裙十一條褥子三床被一張蚊
帳一床膝衣三對紗襪一對棉布六束夏布四束玉

耳環一對渡金銀器首飾七十四件銀鑲盃二十隻

錫器十五件銅錢五千文洗肇基常取藍布衫二件

認抵錢二百四十文洗亞愷取茶青布夾衲一件認

抵錢三百文韋亞複取江青布女夾衲一件藍布褲

一條認抵錢五百一十文各犯先將銅錢作八股銀

分每人分錢六百文尚錢二百文公同買酒吃用其

餘衣物經洗肇基王昭華挑往羅鏡墟賣與不識姓

名人得錢四十八千五百五十文番銀四十元連將

犯先拿衫褲認抵錢一千零五十文共錢四十九千

六百文仍作八股俵分每人分錢六千二百文番銀
五元各散事主投保報縣前縣張令會營勘訊緣值
離任未及通報該署縣李令抵任接往移交移行勒
緝旋據兵役拿獲洗肇基韋亞複洗亞愷起贓解縣
供開夥黨陸續緝獲洗亞四區廷會洗細晚先後訊
供通詳奉批緝審因洗肇基患病提禁取保病故及
洗細晚區廷會患病病愈均經該縣報明在案逸犯
王昭華蔡日紅廖緝未獲茲據該縣集犯審擬由州
審詳前來代辦本司覆查韋亞複等據訊供認前情

不諱贓經主認正賊無疑查律載竊盜賊八十兩杖

九十徒二年半爲從減一等等語本案估值贓銀八

十二兩一錢四分應如該縣州所擬洗肇基起意爲

首合依竊盜贓八十兩杖九十徒二年半已於取供

後患病提禁取保病故應毋庸議韋亞複洗亞四洗

亞愷洗細晚區廷會均合依爲從減一等各杖八十

徒二年至配所折責三十板均照例刺字候奉定地

押發克徒限滿遞籍交保約束失察洗亞四洗亞愷

洗細晚區廷會爲竊之牌頭洗達性余維後均合依

牌頭失察例笞四十地保周光殷成沛遞減二等笞
二十韋亞複在外行竊原籍牌頭甲保無從查察應
毋庸議洗細晚之兄洗達進合依父兄不能禁約子
弟爲竊例笞四十各犯訊無另犯別案及另有窩贓
逃後亦無行兇爲匪與知情容留之人各犯止洗細
晚有兄洗達俊已經按擬餘無同居親屬知情分贓
均毋庸議買贓之人據供不識姓名無憑提訊行竊
小刀據供丟棄無憑起追已獲之贓經給主領未獲
各贓應於各犯名下照估追賠逸犯王昭華蔡日紅

飭緝獲日另結洗肇基係在監患病提禁取保病故
管獄職名應免開報韋亞複洗亞愷事犯到官係在
乾隆五十五年正月初一日

恩詔以前所得徒罪應減爲杖一百各折責四十板免刺

洗亞四區廷曾洗細晚到案在後均不准援減牌頭

洗達姓余維後地保周光殷成沛洗細晚之兄洗達

俊所得管罪應予援免仍革去牌頭地保除俟季底

彙冊詳咨外
云奉批仰卽飭將洗亞四等照例刺

字洗亞四押發海豐縣區廷曾押發陸豐縣洗細晚

甲發和平縣各照應徒年限折責安置滿日遞籍交
保約束先取收管送查韋亞複等照擬分別責革發
落援免逸犯王照華等勒限務獲究結仍于季底彙
冊詳咨餘已悉並候

爵閣部堂批示繳圖結存

有關人命徒罪案件遇 赦專案咨部

乾隆五十六年六月初五日 准

刑部咨據福建巡撫伍 咨稱奉准部咨乾隆五十
五年正月初一日

恩詔以前有關人命罪止擬徒尚未完結案件作速趕辦
核其情罪輕重分別應減不應減另爲一冊等因查
冊開南靖縣民謝科銳傷竊賊何斷身死一案查賊
犯何斷入室偷牛三隻遞交黃清等牽走事主謝科
知覺追拿乃何斷復敢轉身持挑攔拒致被事主謝

科嚇放鈇銃致傷何斷咽喉等處斃命其爲護賊格
聞無疑查此案何斷中途護賊持仗拒捕被謝科銃
傷身死實與格殺之條相符謝科應照律勿論惟私
藏應禁銃殊屬違例應照私藏鳥鎗例杖一百徒
三年此案行竊耕牛訊係黃清起意爲首黃清合依
盜牛三隻例應杖一百枷號四十日何場應照爲從
例減一等枷號三十五日杖九十均照例刺字何場
之父何聘訊非知情應照父兄不能禁約子弟爲竊
同失察之牌頭照例各笞四十事犯在乾隆五十五

年正月初一日

恩詔以前謝科徒罪應減爲杖一百折責四十板黃清何
場枷責均予援免並免刺字何聘及牌頭照例寬免
所有失察私存鉄鏡文職職名相應開報武職失察
職名查取另叅又沙縣民陳乖老黑夜拾石擲傷竊
賊卓盛均身死一案查此案卓盛均携贓逃遁陳乖
老黑夜追捕擲傷身死已離盜所非登時可比陳乖
老應合依黑夜竊賊被事主毆打至死比照夜無故
入人家已就拘執而擅殺至死律杖一百徒三年事

刑部集 卷之二
犯到官在乾隆五十五年正月初一日恭逢

恩詔以前陳乖老徒罪應減爲杖一百折責發落失察卓
盛均爲竊之地保林添盛管罪照例援免又甌寧縣
民丁光祚毆傷竊賊李添生身死一案查李添生輒
入丁光祚家竊取雞隻丁光祚聞聲捉拿李添生輒
敢携贓抵拒致被丁光祚毆傷身死與逞兇擅殺者
不同丁光祚合依白日入人家內偷竊財物被事主
毆打致死比照夜無故入人家已就拘執而擅殺
至死律杖一百徒三年事犯在乾隆五十五年正月

初一日恭逢

恩詔以前應減爲杖一百折責發落又龍巖州民廖育秀

因廖理平與伊母張氏通姦將廖理平登時捉獲殺

死一案查廖理平與張氏通姦經廖育秀窺破拒絕

之後復敢圖續舊好被廖育秀撞獲登時殺死廖理

平係廖育秀無服族叔應同凡論廖育秀合依本夫

本婦有服親屬捉姦登時殺死姦夫者依夜無故入

人家已就拘執而擅殺律杖一百徒三年廖郡二訊

無加功但係聽從移屍合依格捕至死姦盜之犯罪

本不應抵將屍移投坑井者照地界內有死人不報
官司私自掩埋律杖八十爲從減一等杖七十事犯
到官均在乾隆五十五年正月初一日恭逢

恩詔以前廖育秀徒罪應減爲杖一百廖郡二杖罪照例
援免廖張氏與廖理平通姦業已身故應毋庸議據
各屬審擬詳解隨經審明批結在案相應咨達等因
前來查例載外省徒罪案件如有關人命者均照軍
流人犯解司審轉督撫專案咨部核覆又有關人命
擬徒常犯遇

赦減等另冊報部核辦不得與尋常徒犯按季冊報各等語誠以人命案件關係罪名出入故雖例止擬徒必須許敘供招案咨部恭遇

恩赦亦應另冊咨部若未經部覆准行懸擬例得減等率將屍格供招全行刪去與已經議結尋常徒犯一例彙報則罪名是否允協案情有無疑竇一切無憑稽核殊非慎重人命之道今該撫咨報有關人命擬徒各案檢查本部文卷既未據該撫專案咨部核覆此次冊內又不將原驗屍格及犯証供詞詳悉聲敘僅

將看語彙冊咨部碍難率覆且上年正月初一日欽
奉

恩詔迄今一載有餘始據彙報到部其被獲月日亦未詳
載是因彙報而轉致遲延適足啟吏胥作奸朦混之
弊殊與定例本義不符應令該撫將謝科等案詳敘
屍格供招及各犯到案月日逐一揣案咨部再行核
辦再查有關人命擬徒案件向俱照例專案咨部上
年十一月河南省彙入尋常季報徒犯冊內援

赦減杖經本部行令嗣後務須專案咨部核覆行知在

案再行申明例義通行各省一體遵照可也

通志卷之八

卷之八

案海不申則陽燄不炎

雇人頂名代考擬軍不准留養

刑部議覆山東撫長 奏鉅野縣文童王藩雇倩方

金生頂名入場代考審擬治罪一案查例載學政考

試有積慣隨棚代考之鎗手察出審實枷號三個月

發烟瘴地方克軍其雇倩鎗手之人並與同罪知情

保結之廩生杖一百等語此案王藩身係文童於學

政考試時胆敢雇倩鎗手方金生頂名入場考試實

屬不法應如該撫所奏王藩合依雇倩鎗手之人與

鎗手同罪例應枷號三個月發烟瘴地方克軍該犯

雖訊係親老丁單但考場作弊情節較重不准留養
在逃之鎗手方金生應令該撫并原籍江蘇巡撫一
體嚴緝務獲照例辦理該撫奏稱陳彥丹雖無知情
受賄情事但既爲廩保並不用心辨認任其頂冒入
場毫無覺察實難辭咎應照知情保結杖一百例應
杖一百折責四十板王更昌雖亦訊不知情但係王
藩胞叔有管教之責乃同在府城漫無約束致令作
奸殊屬不合並請照不應重律杖八十折責三十板
王更昌陳彥丹衣頂業俱斥革應毋庸議王藩之父

王大紹訊係老病在家並不知王藩雇倩情事免其
置議等語均應如該撫所奏完結所有失察之鉅野
縣教諭杜炳訓導路峒續據該撫查取職名送部應
俟

命下移咨吏部辦理乾隆五十三年十月初八日奉
旨依議

逃流改發克軍不准發雲貴兩廣地方

乾隆五十二年八月二十六日准

刑部咨據廣東巡撫圖 咨稱海豐縣流犯胡亞狗
在配逃回被獲一案緣胡亞狗係海豐縣人因致傷
竊賊楊達茂身死擬絞秋審緩決四次擬流之犯解
發江西南昌府靖安縣安置于乾隆五十年八月二
十六日到配該犯于五十一年五月初七日捏稱出
街買菜乘閒脫逃日間沿村乞食夜宿古廟空寮八
月初十日行至海豐縣屬青坑地方尚未抵家即被

差役拿獲解縣訊供通詳據訊明逃流胡亞狗逃後並無行兇爲匪及知情容留之人配所看役亦無賄縱情弊查例載免死減等流犯在配脫逃被獲改發近邊克軍就其原配地方計程發配加枷號兩個月責四十板又定例流犯在配脫逃被獲由該犯配所定地調發克軍並迴避該犯原籍相近之地不致欲還返近仍將調發何省地方安置隨案聲明報部查核各等語今胡亞狗係免死減等流犯在配脫逃被獲合依免死減等流犯在配脫逃被獲改發近邊克

軍例改發近邊克軍加枷號兩個月責四十板面刺
逃流二字就其原配江西南昌府計程發配查貴州
省與該犯原籍相離甚遠應請將該犯胡亞犯解往
貴州平遠府黃平州安置該犯逃後訊無行兇爲匪
及知情容留之人尚未抵家卽被拿獲地保黃振鄰
佑陳瑞廷無從查察舉首均毋庸議配所看役訊無
賄縱情弊應聽江西省照例議結該犯甫經逃回卽
被拿獲失察職名應請免開所有承審逾限未及一
月職名相應開報附悉除咨吏部外相應咨達等因

前來據此已獲逃流胡亞狗應如該撫所擬改發近
邊克軍查例載應發烟瘴人犯原係雲貴兩廣四省
嗣因該四省聚集人犯過多是以有應發烟瘴人犯
編發足四千里面刺烟瘴改發四字之例且現行例
內實發四省烟瘴人犯尚有新疆改發及積匪猾賊
搶竊滿貫擬絞緩決減等並父母呈送忤逆各項人
犯亦復不少若將例應調發人犯仍行發往不但與
應發烟瘴改發足四千里之例不符且使各省人犯
盡歸四省安插羣聚日久必致別生事端亦非綏靖

邊省之道况胡亞狗係例應調發近邊克軍之犯應
由配所計程調發雖五軍道里表江西南昌府人犯
有調發貴州黃平州安置之例但貴州係停發烟瘴
省分自不便將近邊克軍人犯再爲撥發且查五軍
道里表內開江西南昌府屬編發近邊者除貴州外
尚有山東河南山西等省與該犯原籍均屬相遠正
可發往乃該撫並不詳查酌發輒發貴州殊與各定
例未符應令該撫查照將胡亞狗改發山東等省安
置仍將發往省分報部可也

降調人員捐復部監不准留任奉

旨姑念辦理過兵差看照督請後不爲例

吏部題議得廣督孫等奏稱竊照李世榮勒索站

規案內沿途違例供給各縣除事故外所有現任饒

平縣知縣程煥海陽縣知縣韓義普寧縣知縣許憲

署惠來縣事開建縣知縣杜元勳前署陸豐縣事肇

慶府通判何鐘海豐縣知縣王澤寬歸善縣知縣陳

禮仁接准部咨均照降一級調用所遺各缺分別歸

部銓選及在外揀調等因緣未奉部文之先海豐縣

王澤寬告病離任經委何鐘接署臣孫士毅以惠潮二屬逼近閩疆海面陸路處處可通現在勦捕臺匪各該縣正在防範喫緊之際未便驟易生手隨經恭摺奏請暫緩離任臣圖薩布回任又經將實在情形會同附片具奏業奉

諭旨允准在案現在各該員查拿會匪稽察沿海口岸以及征兵赴閩應付過境並解運軍火協餉等事無不認真出力料理周妥查惠來本任知縣余作沛先因委往雲南採辦銅觔離任已及三年並部選之普寧

縣王廷栢亦已自京來省臣等察看其人地均屬生
疎未便卽令前赴本任現俱另行委署至饒平海陽
歸善三缺例應在外預行題請揀調以便將來更替
臣等與藩臬兩司往覆札商饒平自閩入粵門戶歸
善海陽係惠潮兩府首邑且在在濱臨大海平時政
治本極繁難現在復有兵差緝匪等事綜理更屬匪
易且將來臺匪蕩平官兵凱旋緝拿餘黨無一不資
熟手辦理臣等再四商確實在難得更調之人而該
員程煥韓義陳禮仁均係在任年久現在辦理一切

不辭勞瘁實屬奮勉合無仰懇

聖恩俯念各該員應得處分僅止降一級調用獲咎尚非
重大

恩准照例指復仍留原任俾現辦要務不致更換生手於
地方實爲有裨至普寧惠來海豐三縣亦係閩粵往
來要道現在承辦兵差緝拿匪犯事同一例內除普
寧縣許憲係屬實任外其署惠來縣之杜元勳署海
豐縣之何鐘雖現署非其本任但俱在粵多年於地
方實爲熟諳該員等現辦兵差等事亦頗認真出力

相應籲懇

聖恩准其一體捐復在該員感激

天恩自必倍加出力臣等亦獲收指臂之效俟將來緝匪
事竣杜元勳何鐘留粵以相當之缺題補其部選之
普寧縣王廷栢卽以相當之缺先行題補又部選之
海豐縣朱啟俟到粵時察看情形斟酌辦理臣等因
地方現有要務需人起見不揣冒昧謹合詞恭摺具
奏奉

硃批該部議奏欽此欽遵查捐復人員例應核其情節公

房身集卷之二
三
私輕重分別准駁具奏請

旨今饒平縣知縣程煥等六員前因總督富勒渾家人李世榮勒索站規並不據實查報違例供應降一級調用續經該督等以各該員查拿閩省匪犯奏請暫緩離任奉

旨准其留於該處協同緝捕統俟臺灣軍務告竣再行給咨欽此茲據該督等奏稱現在各該員查拿會匪稽察沿海口岸以及征兵赴閩應付過境並解運軍火協餉等事無不認真出力料理周妥饒平縣知縣程

煥海陽縣知縣韓義歸善縣知縣陳禮仁請照例捐復仍留原任普寧縣知縣許憲署惠來縣事開建縣

知縣杜元勳署海豐縣事肇慶府通判何鐘請一體捐復許憲仍留原任杜元勳何鐘留粵以相當之缺題補等語臣等伏查此案各員係因違例供應降一

級調用加級紀錄俱不准抵銷業經開缺分別銓選行令調補在案核其降調情節係屬私罪與捐復之例不符所有該督等奏請一體捐復分別仍留原任

留粵補用之處應行擬駁臣等未敢擅便謹題乾隆

五十二年八月初八日奉

旨此次姑念該處辦理過兵事宜緊要着照該督撫所請
嗣後不得援以爲例欽此

前後接算五年俸滿題陞同知部駁不准巡撫
罰俸九個月

吏部題議得署晉撫明疏稱汾州府同知王肯獲

病故遺缺係衝繁難要缺例應在外揀選調補查有

大同縣知縣程沅由和順縣知縣於乾隆四十五年

十二月初四日到任調補今職五十年六月十三

日到任該員才具明白辦事勤能前後兩任接算歷

俸已逾五年以之陞補汾州府同知與例相符至程

沅以知縣題陞同知如蒙

俞允侯部覆到日給咨送部引 見恭候

欽定等因前來查程沅江蘇進士由和順縣知縣調補大同縣知縣乾隆五十一年六月十三日到任計本任歷俸未滿五年今該撫以該員前後兩任接算歷俸五年期滿遽行題請陞補汾州府同知與例不符應無庸議所題汾州府同知員缺仍令該撫另選合例之員題補再程沅本任歷俸未滿五年該撫遽請題陞汾州府同知係屬違例應行查議應將違例題陞之署山西巡撫刑部侍郎明興照例罰俸九個月恭

候

命下遵奉施行乾隆五十三年三月初五日奉

旨明興着罰俸九個月餘依議

已革刑書私收旗地不肯繳價知縣依法杖責
致斃奉 旨不應叅革

直督劉 奏據保定府知府王汝璧報定興縣民楊
鳳鳴呈控伊父楊生佩被旗人陳廷蘭指告指霸旗
產該縣知縣馮觀祚杖責致斃等情當卽飭委新城
縣知縣張亨前往驗訊嗣據張亨驗明楊生佩右腿
至腠脉連腿肚俱有杖傷皮破肉爛係因杖傷致死
併提集犯証赴省稟明會同正定府知府鄭製錦逐
細查審緣楊生佩係定興縣刑書已經革退旗人陳

廷蘭有族地九十畝指借楊生佩家銀二百兩楊生
佩種該地二十餘年雖立有租借各契實係以利抵
租本年三月內陳廷蘭欲向楊生佩減價掣地楊生
佩不允陳廷蘭遂以指霸族產等詞具控經該縣知
縣馮觀祚批准尚未差傳有村民李朝棟等勸令陳
廷蘭增價向贖陳廷蘭當還楊生佩大錢一百八十
五千作銀二百兩將租借各契掣回旋經該縣傳訊
楊生佩欲具控求息向戶書何瑤商議乘機詐騙銀
九兩七錢大錢三千將息呈收遞該縣馮觀祚因指

地借銀例應掣地追價入官不准和息復改差傳訊
陳廷蘭旋即赴京當差楊生佩亦屢傳未到經該縣

將原差劉言比責至七月內始行傳集訊明將陳廷

蘭名下地畝查丈入官造冊詳報押令楊生佩出具

限狀繳銀詎楊生佩以銀收回不肯呈繳復經該縣

傳訊併以指地借銀例應追價等語面諭楊生佩仍

以銀條票借當堂頂撞該縣馮觀祚先飭皂役董義

孫鳳杖責十五板楊生佩益肆喊嚷該縣以楊生佩

已革刑書胆敢目無法紀復加責十五板楊生佩在

地亂滾皂役等行杖失當致將右腿肱連腿肚等處杖傷當又差役劉言領出取保追價經屍子楊鳳鳴保領因原差劉言曾受比責復照看伊父杖傷飲食遂送交劉言大錢四千文詎楊生佩坐船回家行至中途於閏七月十七日因杖傷潰爛殞命據屍子楊鳳鳴赴府具控飭委新城縣知縣張亨驗明傷痕提犯來省審悉前情以楊生佩雖係應責之人兩次決罰亦未滿杖然既係因杖致死究屬決不如法且又失察書役人等得賍有干例議據保定府知府王

汝璧清河道朱淵按察使許布政使梁揭報請參前
來臣覆查旂人陳廷蘭指地借銀其價例應追出入
官楊生佩於告發之後私自收回不肯繳價原有應
得之罪然當其在地亂滾之時該縣馮觀祚復又飭
令加杖以致皂役人等行杖失當傷及右腿肱肱連
腿肚處所因傷斃命實與非法毆打無異且書役人
等藉端需索該縣亦毫無覺察似此濫刑昏憤之員
未便稍事姑容相應專摺奏請

旨將定興縣知縣馮觀祚革職以便飭交委員再同應訊

九
犯証人等一併嚴審究擬照例辦理除委員前往摘
印署理查明馮觀祚任內經手倉庫錢糧有無未清
另報外謹繕摺具奏伏乞

皇上睿鑒訓示謹奏乾隆五十一年十一月二十三日奉
上諭據劉峩叅奏定興縣知縣馮觀祚於縣民楊鳳鳴呈
控伊父楊生佩被旂人陳廷蘭指告指霸旂產致令
杖責楊生佩斃命請將馮觀祚革職等語所辦未免
過當此案楊生佩係已革刑書於應行追出入官旂
地私自收回不肯繳價經該縣當堂傳訊復敢咆哮

頂撞原有應得之罪該縣雖兩次決罰尚係依法其
咎止在失察書吏何瑤藉端詐騙一節而於杖責刑
書邂逅致死尚非有心杖斃若竟將該員革職適足
以長刁風未爲平允馮觀祚不必革職劉戡止須於
定案時將馮觀祚附叅聽候部議該部知道摺併發
欽此

地方官緝拿要犯悞拿形迹可疑之人奉

旨免議

乾隆五十一年十一月二十四日奉

上諭據畢沅奏湖北咨解秦懷玉到豫隔別研訊不特秦國棟姪輩內並無秦懷玉之名卽伯叔兄弟內亦無其人因在湖北地方傭工被差役盤獲逼令承認卽隨口混供等語前經陝西拿獲之王進城一犯解至豫省亦經審明實名王興元並非王進城向來悞拿人犯之地方官例有處分等語但秦國棟等糾衆戕

官情罪重大又復潛行竄逸希圖免脫該州縣選派
差役跼緝查拿遇有形跡可疑之人不得不盤查跟
究況此等被獲之人亦非善類卽監禁數日審明後
再行釋放亦不爲拖累且現在段文經尚未就獲若
將誤拿之地方官議處恐該州縣畏避處分心存觀
望不能實力緝捕轉致首逆漏網所有此二案內誤
拿人犯之各州縣俱著從寬免其交部議處該地方
官等尤應感激奮勉上緊搜緝段文經等務期按名
弋獲毋得稍存瞻顧致滋疎縱欽此

營員駐劄本有彈壓之責民人酗酒滋事當予杖責致斃罪所應得毋庸革職

乾隆五十二年三月二十七日奉

上諭李國樑奏燕河營都司觀音保于盧龍縣民王化青酗酒滋事一案未經送縣懲治輒將王化青杖責致斃請將該署都司觀音保革職等語燕河營距縣城寫遠都司衙門駐劄該處本有彈壓地方之責王化青酗酒滋事被人控告已屬匪徒及經官審問仍敢出言不遜該署都司予以杖責本屬罪所應得又

係如法決責非違例濫刑者可比所有燕河營署都
司觀音保著加恩毋庸革職其該管上司一體免其
交部議處欽此

外委巡洋鎗傷多命問擬斬候奉

旨民船不服查問又用石擲打放鎗斃命事屬
因公分別責革寬免治罪

乾隆五十二年三月二十七日奉

諭據琅玕奏審訊溫州鎮標外委周鼎等出洋巡緝鎗
斃閩民紀泉等五命一案將周鼎照私放鳥鎗殺人
例問擬斬候兵丁等擬以流杖所辦殊未允協此案
周鼎等若有勒索情弊以致鎗傷多命卽立正典刑
亦所應得今該弁係奉文巡緝適見紀泉等駛船前

來喝令下蓬查驗詎紀泉等見該弁兵所乘非巡船
並不答應反行駛避及至弁兵追趕又復用石擲打
以致周鼎愈疑爲盜放鎗斃命事屬因公誤傷不應
擬抵致使嗣後巡洋弁兵心存畏疑轉於巡洋緝捕
無益卽紀泉等亦是互疑爲盜情急擲石非出有心
不許官兵招換與拒捕者不同且又傷斃五命將該
弁兵等分別責革已足示儆所有外委周鼎兵丁吳
廷桂等俱交該撫分別責革示懲其治罪之處俱著
寬免餘著照該撫所擬完結摺併發欽此

民人私設斗行縣禁不遵上控府審擬以枷責
行縣發落又挺撞抗官致責身死撫叅革審奉
旨予以降調亦足蔽辜

乾隆五十三年二月二十五日奉

上諭據明興叅奏徐溝縣知縣林琅奉因縣民程瑁等開
設斗行聽信牛建奎王敦教唆希圖壟斷私將在城
集場於四關輪流移設經該縣查禁程瑁等抗不遵
依又赴院司呈控當經批飭該府查明將程瑁等問
擬杖責枷示該縣奉檄差傳程瑁等當堂發落乃牛

建奎王敦挺身抗拒頂撞咆哮該縣將牛建奎等均
責四十板牛建奎王敦先後身故請將林琅奉革職
審訊等語此案牛建奎王敦如果教唆程瑄移設集
場壘斷牟利經該縣查禁既抗不遵依轉赴院司呈
控及經該府查明按律科罪該縣林琅奉文發落
牛建奎等又復頂撞抗官林琅奉板責懲治係屬依
法決罰尚非任性酷刑者可比不過予以降調亦足
蔽辜若將該縣革職治罪轉足以長刁風倘林琅奉
別因勒索不遂挾嫌重責以致連斃二命則其罪更

應問擬抵償不止於革審而已且咆哮頂撞之態亦
不一不可不審究得實以成信讞明與人本平庸而
所奏又未明晰此事料非該撫所能辦理著派侍郎
海寧帶同刑部員外郎王士棻馳驛前往提集案內
有名人犯及林琅奉秉公嚴審定擬具奏欽此

武員俸滿調取引 見始奏衰老該員降頂帶
二級休致督撫議處

乾隆五十五年三月初一日奉

上諭據鄂輝等奏阜和協副將郎摺升歷俸期滿兵部調
取引見飭令來省考驗該副將年力漸衰騎射軟弱
請將郎摺升勅令休致等語郎摺升年已衰邁難勝
副將之任李世傑患病精力不能周到鄂輝等早應
據實奏請勒休以重營伍乃竟任其戀棧直屆該員
俸滿經部調取之期恐引見時爲朕看出始爲此奏

殊屬非是孫士毅甫經到任會銜具奏尚可免其交
部鄂輝觀成俱著交部察議嗣後文武官員年力就
衰者如係呈請告休或將軍督撫提督等察看不能
勝任卽行奏請勒休方准以原品休致如有似此因
俸滿推陞經部調取恐來京時看見衰老情形始行
具奏者除將該將軍等交部議處外卽將該員降頂
帶二級休致所有副將卽擢升亦照此辦理欽此

總兵將無辜作爲逆犯知縣力爭保釋扶同總
兵通報作爲獲犯正法戮屍

福撫徐 奏竊臣因查辦叛產犯屬檢齊將軍叅贊
提鎮及各地地方官先後拿獲匪犯凡奏明詳報有案
者計一千五百餘名開列名單發交該地方官及委
員等核對辦理茲據嘉義縣張森稟稱前柴大紀所
奏正法及戮屍各犯內竟有其人尚未死者訪係柴
大紀悞拿經前任知縣陳良翼審屬良民據保釋放
但既經 奏明有案現在奉檄嚴查叛產犯屬不敢

稍有縱漏仍按名查拿審訊確情等語並據革縣陳良翼自行呈稟當日審明保釋者實有許懷等三十
五名委係良民因柴大紀以匪犯具奏在先逼迫
通報以符奏案祇得聽從具詳罪無可追現蒙查
辦緣坐若再將無辜多人株連屈陷更萬死不足蔽
辜惟有據實稟明求查察治罪等情臣接閱之下不
勝駭異并查許懷等既經審非賊夥取保釋放何以
柴大紀竟奏稱正法戮屍陳良翼復有聽從捏報
其舛錯荒謬實出情理之外且恐有故縱賊犯情事

必須徹底跟究務期水落石出臣帶同軍需局員協
廷理錢受椿親自馳赴嘉義查辦甫入縣境卽有案
內各犯証及保結人等紛紛跟到僉稱情願赴案質
審查許懷等三十五名內已經該縣張森傳喚到案
者許懷許漢翁送來陳較張海柯媽生李學陳成陳
籌等九名臣抵境後自行投到者周俟謝璧楊登陳
團林邦林子盛胡盛黃烟黃克慎盧力盧漢楊沛劉
沈並番婦畱娘陳應之祖母陳江氏等十五名已經
病故者賴天保陳龍鄭郡海詐勝陳祐吳嵩蔡叔魏

可曾生李圭林硯等十一名其出具保蔡同源等共
一百餘名逐一嚴加鞫訊據許懷等二十四名俱稱
上年正二月內嘉邑甫經收復因官兵初到歡喜出
城迎看或因遷避他處回至縣城探親途中悞被捉
拿並有肩挑販賣及在店生理遇不肖之兵丁義民
強買搶去與之較論轉被誣拿者俱皆極口呼冤實
無從賊情跡訊之原保人等亦俱供証相符剖辯甚
力臣恐該保鄰人等容庇親友迴護前非諭以

國法森嚴天理昭著倘此數十人內有一匪徒斷難倖

逃法網將來一經察出爾等卽與本犯同罪真不
迷不悟反覆開導該保鄰等堅稱天良難昧法律共
知何敢替人重罪況當日縣城初復緝匪務嚴如城
內遇有賊犯我等正要擒獻究治豈肯轉爲容隱惟
因稔知許懷等實係良民方敢出結如有欺隱情願
全家治罪并子已故之賴天保等十一名俱有切實
保結供明病故日期及埋葬處所委員訪查勘驗無
異伏思縣城當甫復之時正嚴緝餘匪之際兵丁義
民等見有形跡可疑者捉而搜捕甚至貪功妄報挾

嫌誣拿者在所不免茲臣甫抵嘉義所有案內應訊
多人不待查拿俱各自行投到察其詞色確非附賊
情虛者可比內有張海年逾八十翁送來年甫十五
素患風病之陳應避難流離之番婦留娘其衰弱疲
瘁勢難從賊更可一望而知查陳良翼任內之原保
人等或身列衣衾或會克義民以及開舖耆老俱以
數人而保一人除已經病故多名外現在到案者尚
有百餘名且於臣審訊時原保之外更有出具保結
情願質証者數十餘人俱皆衆口同聲以許懷等前

被誣拿若非陳知縣審釋必皆死於非命與無陳
情詞迫切是許懷等三十五名委係平民並非賊黨
實屬可信至陳良翼同柴大紀混以正法戮屍通報
一節面加詰訊據供上年柴大紀克復嘉義之後凡
遇官兵義民有報獲之犯不論在於何處拿獲卽以
臨陣生擒賊夥若干名遽行人奏一面發我取供
錄報先後共有二百餘名俱經訊明實係匪黨卽行
正法外其許懷等三十五名再四研鞫實係被人悞
拿且有保鄰人等環訴呼冤晝夜絡繹不絕復向柴

大紀回明省釋以事已具 奏並經咨報各處必欲
按名正法又率同教諭江浩巡檢印宗堯前往力爭
並告以民心初定若再騷戮無辜恐致激變等語痛
切剖陳柴大紀云我已

奏定係拿獲匪犯萬難更改若要開釋必需照原奏通
報立案我就不用否則必要將伊等正法等語誠恐
與他違拘必至將許懷等提到軍營處決我一時糊
塗就照他錄供通報始將許懷等釋放我帶同教諭
等向柴大紀面爭之時有叅將李隆等在旁目擊可

以質証等供隨傳詢江浩印宗光李隆供俱相符
又密傳柴大紀任內刑書林選到案查訊據稱柴木
官辦理匪案遇有拿到人犯實係先自具奏獲賊
名數後飭縣補敘口供詳報曾有陳知縣審係良民
向柴本官爭辯釋放亦經看見等語臣思柴大紀與
陳良翼近在同城辦理逆案內要犯俱係柴大紀恭
請

王命遴委員弁會同該縣監視行刑乃釋放三十五名之
多柴大紀雖諉爲不知但查柴大紀奏報匪犯名

單內許懷等三十五名混開正法者二十八名戮屍者七名並非一次復查其容移各處稿案每於具報匪犯正法之後始行飭縣錄供具詳是柴大紀于此案貪功混報迴護朦朧實屬辜負

聖恩玩視民命除柴大紀一犯已於另案請

旨卽行正法外查陳良翼率衆守城於柴大紀已經奏報之匪犯訊明實係良民力爭釋放不致枉戮多命現據案內各士民等翕然同辭尚以陳良翼能保全無辜感激流涕出於至誠設使陳良翼並無袒蔽一

節於此案不但無罪而且有功乃於已經保釋之民人仍作爲正法戮屍之匪犯共同柴大紀混行通報又不及早據實稟明至此時查辦緣坐始行情急呈稟實屬昏愎背謬事關軍務未便以柴大紀奏報在前稍寬其罪陳良翼合依增減緊要關節朦朧奏准施行例擬斬監候請

旨定奪許懷等現在二十四名並其家屬保鄰人等概行省釋臣謹恭摺具奏伏乞

皇上睿鑒乾隆五十三年十月十九日奉

旨陳良翼將已經保釋之民人仍作正法戮屍之匪犯扶
同柴大紀混行通報罪固難辭但此案皆由柴大紀
妄拿捏奏玩視民命當軍務緊要之際尚敢迴護冒
功枉陷無辜全不慮人心渙散實屬罪不容誅若非
陳良翼虛心研鞫痛切剖陳幾至無罪良民駢首就
戮是陳良翼之扶同通報係爲保全多命起見因而
從中婉轉雖該員於查辦柴大紀劣跡時不卽據實
稟報直至辦理緣坐始行呈明不值再加錄用其罪
究屬可原所有陳良翼間擬斬候之處著加恩寬免

並卽釋放回籍餘依議欽此

並
通
纂
文
目
錄
卷
之
一

賑饑自應錢米與銀並用不可另派大臣

乾隆五十一年十一月二十五日奉

上諭據謝墉條奏賑濟暨水勢情形一摺朕詳加披閱內
有碍難施行者如所稱賑濟請除去錢米統用銀兩
按照戶口定爲一次給發等語自古救荒本無善策
惟平時於常平社倉詳悉講求務期積貯充盈以備
歉收賑恤之用蓋荒歲收成失望米糧價值自必昂
貴小民嗷嗷待哺非散給米穀不足以克飢朕軫念
窮黎每遇各省奏報偏災不惜千百萬帑金仍加恩

賑恤恐各該省倉貯不敷給賑屢經降旨截畱漕糧
並諭該督撫於鄰省豐收省分設法採買糧石運往
災區源源接濟所以籌畫民食者無微不至而銀米
兼放原屬不得已之事若如謝墉所言除去錢米統
用銀兩則小民計口給銀所得無幾勢必不能於穀
貴之時市易升斗以資養贍且災歉之區米糧難購
是名爲賑飢而於小民生計轉無裨益又奏稱賑銀
在五十萬兩以上者請派近信大臣一員前往查察
等語地方辦理賑務原難保不肖官吏侵漁中飽惟

在督撫司道督飭所屬層層周密稽查自不致滋生弊端若又揀派大臣前往是該督撫皆不可信矣如果派往之人公正實心於事不爲無益而一省州縣村庄亦必不能分身周歷設其人於外省情形不能熟悉徒生枝節轉致掣肘紛更甚或扶同瞻徇一味模稜地方官徒增酬應之繁而於賑務究不能查出弊竇是簡派大臣仍屬有名無實此皆揆之事理斷難准行者其餘所言或有可採仍著大學士九卿詳議具奏欽此

生員攬納糧米多取費用照誑騙治罪加枷監
生與人代納重杖斥革

刑部奏據東撫明 奏生員李遜呈控漕書楊天墀
索錢折價治罪一摺奉

硃批該部議奏欽此查律載攬納他人稅糧者杖六十著
落赴倉照所攬數納足再於該犯名下照所納數追
罰一半入官又律註包攬多科費用以誑騙論包與
者不應杖罪又律載誑騙人財物者計贓准竊盜論
免刺竊盜贓一兩以上杖七十各等語此案李遜收

受李梅錢文代爲納糧希圖漁利經漕書楊天培窺
破包納情由欲令折價該犯藉詞具控尚非誣捏李
遜除代納他人稅糧律應杖六十輕罪不議外其多
科李梅費用錢六千有零計贓在一兩以上律應杖
七十該撫將該犯從一科斷擬以杖六十係屬錯誤
應將李遜褫革生員改依誑騙人財物計贓准竊盜
論一兩以上杖七十但李遜身刻宮牆乃敢包攬漕
米代爲完納殊屬玩法一杖不足示儆應枷號一個
月在于該倉門首示衆滿日折責發落以爲恃符包

攬者戒仍依律照攬納錢糧著落赴倉納足並在該犯名下照所納數追納一半入官再該撫奏稱楊天培既知李遜違禁攬納漕糧並不稟明查究希圖挾制分肥輒敢索錢折價雖未折成實屬不合楊天培應革役照違

制律杖一百再加枷號兩個月滿日折責四十板李梅將自己應納漕米與李遜代完亦有不合應行革去監生照不應重律杖八十仍照例准其納贖杖罪叅革知縣周潛修雖訊無迴護漕書及授意折錢情事

但於漕書楊天培向納戶索錢折價爭吵毫無覺察
及糧道飭提漕書楊天培審訊又不卽行追回解審
實屬溺職業經叅革應毋庸議等語均應如該撫所
奏完結乾隆四十二年四月初一日奉

旨依議

侍衛包攬漕米赴縣說情知縣捏詞具稟參審
奉旨從寬知縣革職留任待衛改擬杖徒

臣劉峨臣吉慶奏欽奉

諭旨審訊江西廣豐縣民人嚴夢魁在步軍統領衙門呈
控伊兄嚴夢彪被廣豐縣知縣曹德元誣稟被叅併
該縣浮收勒折抑派交倉使費錢文一案嗣又欽奉
諭旨姚榮審擬革職侍衛嚴夢彪所奏情節並未確實若
將嚴夢彪問擬發遣既不足以示服且嚴夢魁在京
所控詞內有該縣浮收勒折情弊於地方漕務尤有

關係如果屬實該縣之罪亦豈例止革職不可不查
審明確以成信讞著將姚蔡原摺發交劉義吉慶閱
看照折角處所及已上指駁各情節提集案內人証
秉公逐一研訊毋任稍有隱飾迴護以副委任將此
傳諭知之速行將畧節奏聞欽此臣等業于正月初
八日將審訊大概情形恭繕畧節具奏欽奉

硃批諭旨秉公據理定罪可也欽此臣等逐日率同戶部
郎中覺羅麟善兵部郎中胡時顯將嚴夢彪併案內
應質人証詳加推鞫逐一供明查嚴夢彪說情干預

漕務知縣曹德元任意擅票固已審無疑義而嚴奪
魁所控浮收勒折等情大干法紀必須審訊確鑿方
成信讞臣等又提該縣倉書徐瑞燦斗級黃籠李貴
隔別嚴訊並傳糧差及花戶嚴廷松等質對僉稱該
縣收漕實無浮收折色之弊核對該縣征冊印簿亦
屬相符尚恐有不實不盡之處反覆究詰嚴加刑嚇
矢口不移似無遁飾查律載攬納稅銀多科費用以
誑騙論又例載誑騙未成財未接受杖一百徒三年
又律載替人設計用言教誘人犯法與犯法之人同

罪又誣告人死罪未決者杖一百流三千里加徒役
三年又盜各衙門官文書者杖一百刺字等語此案
已革侍衛嚴夢彪聽從鄭學綸攬納漕糧四百石向
知縣說情先收希圖借貸盤費事雖未成實有應得
之罪應照誣騙未成財未接受例杖一百徒三年鄭
學綸係已革戶書輒敢慫恿嚴夢彪包攬漕米合依
教誘人犯法與犯法之人同罪律杖一百徒三年武
生嚴飛熊起意做狀令伊子嚴尊魁冒名嚴夢魁赴
京呈控又囑令尋取簽票情同狡獪所控該縣浮收

勒折等事屬實均應計罪今審明確均屬虛誣

應將嚴飛熊革去武生照誣告人死罪未夾杖一百

流三千里加徒役三年律杖一百流三千里就于配

所加徒役三年嚴奪魁赴京告狀係聽從伊父指使

業經罪坐家長但伊揭取他人粮票又串通嚴鴻聲

偷竊硃簽應將嚴奪魁嚴鴻聲均照盜官文書杖一

百刺字律各杖一百折責發落照例刺字武生嚴飛

騰雖未起意捏控但既知伊弟嚴飛熊令伊子嚴奪

魁赴京呈告不力加攔阻亦難寬宥生員馮在茲因

伊妹苦求照應嚴飛熊所說代寫狀稿究屬不合應
將嚴飛騰馮在茲均革去生員照不應重律各杖八
十折責發落糧書吳紹棟受嚴夢彪囑托接收糧單
代爲照料應革役同接收嚴夢彪所交四百石漕米
紙條之管門家人徐安亦均照不應重律各杖八十
折責發落王揚善年甫十二歲所托嚴夢彪照應完
漕係伊母所囑并隨同王揚善在彼交漕之馮作堅
訊無別情均免置議書吏周作楫遺失簽票業經責
革應免重科其嚴夢琴嚴云魁當嚴飛雄等商議告

狀時並不知情應與審訊無干人証概予省釋至知縣曹德元辦理漕務審明並無浮收折色等弊而于嚴夢彪說情滋事之外添砌捏稟實屬不職應請

旨將廣豐縣知縣曹德元照溺職例革職撫臣姚綏辦理此案因該縣知縣曹德元之稟卽將嚴夢彪叅革後雖究出該縣捏稟實情而所擬嚴夢彪之罪未得其平應請

旨將撫臣姚綏交部議處其司道等官雖係該撫親自提審定擬未及核轉但既經隨同辦理亦有不合應令

該撫查取職名送部核議廣信府知府張朝祿於嚴
夢彪因病展限曾經依限嚴催本無不合審擬此案
時又經撫臣姚 將該府派赴南安提催周鼎生案
內人証並未隨同審辦應毋庸議理合將訊明定擬
緣由繕摺具奏伏乞

皇上睿鑒勅部核覆施行乾隆五十七年三月十三日奉
旨此案廣豐縣知縣曹德元因已革侍衛嚴夢彪包交糧
石添砌情節捏詞具稟固有應得之咎但究係嚴夢
彪屢次赴縣欲行請託該縣嫌其囉哩架詞呈稟尚

屬有因况本地紳衿干預地方公事擅爲請託若令
兩敗俱傷則將來地方官遇有紳衿囑托之事轉致
心存顧忌聽受情面亦不可不防其漸曹德元著從
寬改爲革職留任餘交該部議奏摺併發欽此

遊擊買用物件派累兵丁那移草乾銀兩律應
擬徒從重發伊犁當苦差

江督書 奏竊照漕標鹽城營遊楊瑞鼎因置備
署中應用物件派累兵丁并那草乾銀兩經漕督臣
毓訪聞奏請

旨將遊擊楊瑞鼎與通同徇隱之守備唐國太一併革職
交臣審辦當查守備唐國太因息玩巡洋先經臣恭
摺奏 奏革職行司提審在案接准漕臣移咨臣隨
委員摘取楊瑞鼎印信一并發司提同已革守備唐

國太及兵丁人等嚴審去後茲據蘇州藩臬兩司飭委蘇州府知府汪志伊署松江府知府汪廷昉淮安府知府劉雲督同長洲縣知縣葛廷楚審擬由司覆審招解前來臣親加研訊緣已革遊擊楊瑞鼎籍隸江蘇華亭縣由武舉歷陞鹽城營遊擊乾隆四十九年到任五十三年二月內因署中鋪設執事破爛陸續置買高燈鎗套卓圍紅毡等物共工價銀三十七兩三錢零四月二十六日放給兵餉楊瑞鼎卽在各兵丁名下攤扣還價至五月初間知各兵丁被扣不

甘噴有煩言楊瑞鼎慮被控牛隨卽如數發還又四
月內楊瑞鼎因營倒斃馬匹向馬販買補共該銀二
百三十兩維時應領馬價尚未領到被馬販催討適
領有夏季分馬兵草乾銀三百六十五兩楊瑞鼎卽
那所剩銀一百三十五兩湊給馬販旋經漕臣毓

訪聞飭令中軍副將五十三查傳該營兵許彪戴振
邦詢出前情稟經毓 叅

奏革審茲據江蘇藩臬兩司審擬詳解到臣隨親加研
訊據供派累那移各情不諱臣查叅革遊擊楊瑞鼎

於四十九年蒞任迄今五載恐此外尚有尅扣侵盜
別情嚴加究詰據供本年置備署中物件糊塗見小
於兵餉內攤扣完價又因馬販催逼價銀暫將各兵
草乾銀兩那移給發各兵卽有煩言致奉訪聞若別
有扣尅侵盜之事衆兵豈肯隱忍等語質之已革守
備唐國太兵丁許彪等供亦無異并稱該遊擊現已
叅革治罪果有侵扣別情何肯復爲隱諱矢口不移
似無遁飾查例載管軍官科歛軍人錢糧入已者計
贓以枉法論枉法贓三十兩杖九十徒二年半又律

載收支錢糧監臨主守不正收正支那移出緡還克
官用准監守自盜論四十兩雜犯斬准徒五年各等
語此案已革遊擊楊瑞鼎因署中置用物件攤派兵
丁餉銀三十七兩零又那移兵丁草乾銀二百三十
兩給發馬價計賍均應杖徒但該叅弁身爲將領不
能潔已奉公輒敢藉事侵那情節較重僅擬杖徒不
足示懲楊瑞鼎應請從重發往伊犁克當苦差以爲
將領侵那錢糧者戒已革守備唐國太雖訊無通同
侵那情事但近在同城既不稟阻於前又不揭報於

後殊屬有心狗隱該叅弁因怠玩巡洋現已另案問
擬斬候應毋庸議楊瑞鼎扣剋兵餉及那用草乾銀
兩先經照數給還毋庸議追餘屬無干先行省釋所
有審擬緣由理合恭摺具奏并錄供單恭呈
御覽爲此 奏

聞伏祈

皇上聖明睿鑒乾隆五十三年十二月初四日奉

旨該部議奏欽此

刑部奏查律載管軍官科斂軍人錢糧入已者計贓

以枉法論枉法贓三十兩杖九十徒二年半又收支
錢糧監臨主守不正收正支那移出納還克公用准

監守自盜論四十兩斬雜犯准徒五年各等語今已革

遊擊楊瑞鼎因署中置用物件攤派兵丁餉銀三十

七兩零又那移兵丁草乾銀三百三十兩給發馬價

計贓罪應杖徒但該革弁身為將領不能潔已奉公

輒敢藉事攤派那移情節較重僅擬杖徒不足示懲

楊瑞鼎應如該督所奏從重發往伊犁克當苦差

以為將領侵那錢糧者戒該督奏稱已革守備唐

國泰雖訊無通同侵那情事但近在同城既不稟阻
於前又不揭報於後殊屬有心徇隱該叅弁因怠玩
巡洋現已另案問擬斬候應毋庸議楊瑞鼎扣尅兵
餉及那用草乾銀兩先經照數給還毋庸查議等語
查守備唐國泰怠玩巡洋現據該督審照失悞軍機
律擬以斬候臣部另行會核 奏覆外餘均如該督
所 奏完結爲此奏 聞伏祈

皇上睿鑒乾隆五十三年十二月十九日奉

旨依議

冒名領木爭毆摔斛首犯擬斬立決從犯絞候
奉 旨減一等發落包攬領米枷號

乾隆五十七年四月初二日奉

旨留京王大臣審擬謝君美等冒名領米爭毆摔斛一案
將謝君美照光棍例擬斬立決其幫助謝君美踢傷
官役之盧祿兒照光棍爲從例擬絞監候所辦尚是
惟斗甲董得祿因謝君美尖量倉米摔斛凶毆該犯
將謝君美迷眼按地復用磚砸腳踢以致因傷身死
照罪人已就拘執而擅殺律將董得祿擬以絞候核

其情節尚未平允董得祿身克斗甲管理厥口是其專責見謝君美尋衅摔斛毆打官役勢甚凶橫因暗拾灰土洒迷謝君美兩眼趁勢毆踢與無故逞凶斃命者有聞董得祿着于所擬應絞監候罪上減一等發落餘俱照所議行其旂員應領俸米者自當赴倉親領何得將米票私交鋪戶領賣致啟包攬情弊嗣後着入旂都統通行傳知無論大小官員傳令自行赴倉親領如有仍前將米私給碓房赴米局包領者一經查出卽行叅奏以示懲儆再鋪戶包攬旂員俸

米兵丁甲米與倉書斗級私自交給赴倉支領希圖
從中取利其弊由來已久雖謝君美榮已破案而似
此囤積漁利者必不止謝君美一人着步軍統領衙
門順天府密訪嚴拿如有此等包攬領米舖戶卽行
拿獲枷號米石入官示懲以儆其餘摺并發欽此

解員失紘地方官不報革職加徒三年

直督劉 奏竊照山東委員萊州府同知潘成章管
解協撥直隸賑濟銀兩至景州地方失竊元寶三定
該州知州沈長春照數賠補解嗣捕獲匪犯葛二
並不卽時訊詳經臣遵

旨查明參奏將沈長春潘成章一并革職拿問究辦欽奉
硃批該部知道欽此欽遵經山東撫臣將潘成章及德州
原解兵役委員押解到直隨督同藩司馮 臬司阿
及保定府同知冷鳳煊等詳加研鞫緣山東省撥解

直隸賑濟銀三十萬兩分兩起押解第二起銀十五萬兩計裝一百五十鞘派委署萊州府同知試用知縣潘成章管解乾隆五十四年十月初六日解至德州將銀鞘分十三車裝運流撥兵役跟隨解直潘成章護解起程起更時分行至直隸景州將鞘車拉赴署前投交景州叅革知州沈長春親赴各車查點銀鞘數目並無短少卽令快役葉士純等雇夫卸車扛鞘寄庫沈長春隨將印信收管給德州兵役贖回委員潘成章赴店安歇沈長春嗣後查點失少一鞘當

差役四名追執旋於西門外城墻下尋獲原鞘鞘上
鉄箍已斷點查僅存元寶十七錠失去三錠該叅員
沈長春以鞘旣找獲該賊犯不致遠颺易於緝獲卽
與解官潘成章說明俟訪獲贓賊再行通報隨照例
賠補元寶三錠將銷釘好交潘成章轉解前進該叅
員沈長春帶領捕役四處訪緝至初七日在於受雇
扛鞘葛二家搜出元寶銀邊復差役指名查拿迨潘
成章回至景州沈長春卽將贓有踪跡賊有姓名無
難克期就獲之言告知潘成章諄囑緝賊通詳旋經

差役在雄縣地方拿獲葛二并搜出碎銀解回景州
訊據供認扛鞘時滑跌銀鞘跌斷鉄箍露出元寶遂
起意負出西門外挖出元寶又供出寄存原贓之葛
大等俱在京中該叅員沈長春以必須起獲原贓始
得確鑿隨差役赴京跟緝適葛大等已被西城捕役
拿獲經西城御史穆 等具 奏欽奉

諭旨令臣查明叅 奏隨經臣奏請將景州知州沈長春
署山東萊州府同知潘成章一并革職究擬茲提齊
官犯人等據供前情不諱恐有商同隱匿及該管道

府亦有知情隱情事嚴加究詰據沈長春等堅供失鞫重案何敢諱匿實緣賊已拿獲冀圖起贓後一

并通報以致遲延如果心存消彌又何追拿賊匪差役赴京查起贓銀自取敗露此案該州尚未具報該管道府亦實無知情代爲徇隱情弊矢口不移似無遁飾查例載州縣有諱盜不報者革職又例載文武官犯私罪杖一百革職離任各等語此案沈長春於餉鞘失竊之後並不立時稟報迨經獲賊又欲候查起贓銀一并具詳情同諱盜殊便因正賊業經該縣

員由衙拿獲僅照諱盜例革職應請將沈長春照文武官犯私罪杖一百革職例上加爲杖一百徒三年至配所折責發落以示懲儆潘成章管解鞘銀雖於點交之後始行被竊但聽信沈長春獲賊再報之言輒卽押鞘起程不卽詳報亦屬不合業經革職應毋庸議景州快役葉士純周之風雇夫不慎以致鞘銀失竊均應照不應重律杖八十各折責三十板革役德州兵役先已取印收賞回不知景州失竊鞘銀情事應毋庸議賊犯葛二業經解送刑部審擬完結

景州起獲碎銀入官冊報逸犯葛四嚴飭緝緝獲
另結其失察該管追府職名現經另行咨察所有審
明定擬緣由理合恭摺具奏伏乞

皇上睿鑒

勅部議覆施行乾隆五十五年二月初八日奉

硃批該部議奏欽此

刑部奏查叅革知州沈長春於失鞘重案並不立時
稟報迨經拿獲正賊又希圖起贓後一併具詳實屬
有心取巧未便因正賊業經該叅員自行拿獲僅照

諱盜例擬以滿杖致滋輕縱沈長春應如該督所

奏照文貳官犯私罪杖一百革職例上加爲杖一百
徒三年至配所折責發落以爲地方官諱匿者戒雖
該叅員事犯在乾隆五十五年正月初一日

恩詔以前但係職官諱盜匿報情節較重其所擬杖徒應
不准其援減該督奏稱潘成章管解鞘銀雖於點
交之時始行被竊但聽信沈長春獲賊再報之言輒
復押鞘起程不卽詳報亦屬不合業已革職應毋庸
議景州快役士純周之鳳雇夫不慎以致鞘銀失

竊應革役均不應重律杖八十折責三十板等語
應如該督所奏完結查葉士純等雖犯在本年正月
初一日

恩詔以前但雇夫不慎以致鞘銀被竊應不准其援免等
因乾隆五十五年二月二十五日奉

旨依議

解餉被_補長解官僉差官俱革職拿問知縣公

出亦革_或拿問

乾隆五十四年十一月二十三日奉

上諭據惠齡奏江西委員樂平縣縣丞徐寶彝管解雲南
餉銀五十鞘行至鍾祥縣地方該縣知縣葉治赴鄉
相驗經典史黃寶璋僉差撥夫送至荆門州交替查
點失去一鞘現在提集兵役人等嚴審定擬將典史
黃寶璋委員徐寶彝革職至知縣葉治是否先已赴
鄉容俟查明叅奏等語江西解演餉鞘經過湖北鍾

祥縣地方該典史黃寶璋並不慎重僉差委員徐寶
璠亦不小心管押致被中途串竊非尋常疎玩可比
黃寶璋徐寶璠俱着革職拿問該撫提同案犯嚴行
確審具奏知縣葉治雖因公出但平時不能約束差
役致有疎虞及失去餉鞘又不能卽時拿獲咎實難
辭湖北政治廢弛已久若不從嚴懲治不足示儆葉
治亦着一并革職拿問其該管道府及疎防武職各
官着該撫卽行查叅照例議處欽此

經歷署 辦事任內分賠民欠耗羨七百餘兩承
辦災賑以減銀一萬五千餘兩不准豁免解部
監禁再行確查

戶部奏據浙撫琅 奏前事一摺奉

硃批該部議奏欽此查定例官員欠帑無完係屬核減
項下如採買水腳等欸據實

題豁免治本員之罪如係經費項下之長支溢領悞發
及分賠之項非由屬員侵欺代賠之項止失於詳查
與夫格於常例不准開銷等欸爲數不及一千兩者

查實後亦准免罪

題豁其數至一千兩以上者 題豁時或將該員照工
程核減無完之例減一等問擬或免其治罪之處於
題豁疏內聲敘情節請

旨定奪等因所有叅革經歷沈寧仁名下應追前署鳳陽
縣知縣任內攤賠乾隆四十一年民欠耗羨銀八百
四十六兩六錢二分又經辦乾隆四十三年災案核
減查災辦賑費運腳及領川米腳費等項動用庫
銀一萬五千六百七十三兩二錢一分六釐先據浙

撫在於該叅 原籍追出銀七十兩抵完攤賠耗羨
外仍未完攤 耗羨銀七百七十六兩六錢二分經
戶部行令安撫援照江蘇省之例在於各上司名下
分賠完項至災賑案核減各項銀一萬五千六百七
十二兩二錢一分六釐仍令原籍任所再行確查報
部在案今據浙江巡撫琅 奏稱該叅員沈寧仁原
籍房屋已經變價完繳另案行追災賑罰賠銀米并
續追攤賠耗羨銀兩此外委無絲毫產業伊子訓蒙
行醫度日實在力不能完請將該叅員沈寧仁照例

治罪其所欠銀兩著落安徽省任所各上司分賠完
項等語臣等伏查沈寧仁名下應追前項經辦四十
三年災賑核減公費運腳等項銀兩原係在任核減
之項並不及時飭追戶部屢次行查始於五十二年
九月押解回籍追繳殊屬怠緩應如該撫所 奏着
落安徽省催追不力之該管各上司名下分賠完項
仍同另案分賠耗羨銀兩一并查明各員應賠細數
造冊送部查 奏該撫 奏稱沈寧仁應照工程核
減數在一千兩以上十分無完例杖一百徒三年不

准納贖等語。正等查沈寧仁承辦查災辦賑公費運
脚並接收川六脚費等事核減銀一萬五千六百餘
兩之多顯係該參員預爲浮冒侵漁地步必須嚴查
明確如有侵冒情弊卽應按例從重治罪以懲貪黷
卽使雖無侵漁該參員以經歷徵員委署縣事經手
運脚等項核減銀至逾萬兩及經着落追賠又復延
宕不行完繳僅照工程核減數在一千兩以上無從
例擬以杖徒亦不足爲玩視庫項者戒相應請

旨飭令兩江總督並安徽浙江巡撫一面詳細嚴查一面

將該參員沈寧仁先行解部監禁俟查明到日刑部
另行定擬具 奏恭候

命下戶部行文兩江總督安徽浙江巡撫一體欽遵查辦
是否有當伏乞

皇上聖明睿鑒訓示施行乾隆五十四年二月二十八日
奉

旨依議欽此

訪派堂商分辦鹽引呈明無力飭查屬實未便
領辦以貽悞續查有力願繳克公銀二十五
萬兩

大學士和 奏據原任刑部員外郎楊樞候補中書
李瀚呈稱本年八月該省鹽運使指傳伊等故父當
商楊伯儒李岱源之名令承辦南路鹽引一十七萬
餘道引銷江南河南十五州縣運費浩大無力認克
呈懇本籍求免運使差提不已等情查此案先於本
年五月據長蘆鹽政穆會同山東巡撫長 具 奏

以山東行運南引各商運本較重每多竭蹶新克又
復告乏密訪得濟寧州當商李岱源魚臺縣當商楊
伯儒家道饒裕奏請派令接辦引鹽等語經戶部
議覆時恐地方官紛紛僉派以致擾累且以當商資
本厚薄不一此次雖就該處情形暫爲通融籌辦嗣
後仍照舊辦理不得將當商派克鹽引援以爲例致
滋僉商流弊等因飭查在案今據楊樞李瀚呈稱伊
等之父俱已故雖有當舖家道漸已零落實不能
克十五州縣之商等語但係一面之詞難以憑信相

應詰

旨飭交山東巡撫細確查如楊樞李瀚等實係無力行
銷自未便全其領運以致悞削虧課倘該員等家道
實屬豐裕有心推諉不惟仍督令伊等行銷更應從
重治罪以示懲儆並將楊樞李瀚原呈一并繕錄進
呈

御覽伏乞

皇上聖明睿鑒謹奏

查該兩商家業素饒情願捐銀二十五萬克公併

借給原商銀二十五萬

臣伊齡阿等謹奏竊臣伊齡阿於九月二十九日奉旨前往山東將當商楊等具控不能承鹽引會同臣長

臣穆秉公查辦臣伊帶同原告楊樞兼程前進

於十月初七日直抵濟寧州臣長臣穆俱於初

六七等日先後到濟查山東運銷南引商力微薄辦

理竭蹶前經鹽政會同撫臣酌量情形請飭資本饒

裕之當商李楊樞二商分地認克以爲調劑由戶

部議准奉

旨允行欽遵在案及該商等以家業凋零無力行銷在提
督衙門呈控其家道果係貧乏自不得抑令承充
遺悞引課如家道豐盈有心推諉自應承充并治以
揄飾之罪臣伊等沿途留心體訪僉稱該二商家
業素饒及到濟寧經臣長委員復行詳細確查該
富商等係家業素優臣等當卽督同郎中邵有昌
知州王道亨傳齊李潞楊樞當堂開導始據該商將
現在家業呈明核其產業雖分派十五州縣地面行
運十七萬石引未能辦理裕如但產業生理頗屬寬

饒前呈家業凋零實係有心捏飾希圖諉卸詰訊至再該商惟叩首認罪實覺惶悚查該商素處饒裕遇有公事何得駕詞妄呈有心捏飾自應遵

旨治以重罪以儆愚蒙臣等籌酌辦理聞旋該商等呈稱我等祖孫父子皆身受

國恩得有產業乃因鹽務不諳恐致遺悞冒昧具呈致蹈捏飾之罪卽治以重咎實屬自取但職等再四熟思實深愧悔請願措辦銀二十五萬兩報効克公以贖罪愆再現在商力竭蹶亦屬實情况該商等與職

等誼切桑梓事屬有闕民食亦未便膜視情願再措
銀二十五萬半年內歸齊給應各商俾濟行運以
免停滯再四環叩籲請代爲陳

奏等情臣等伏查該當商等本於鹽務非所素習驟聞
行銷十五州縣地方引鹽恐致遺悞與趨避公事有
心隱匿家財者似屬有間可否俯准所請免其治罪
之處出自

皇上天恩臣等再查現行南引各商原以運本未裕致形
遲滯若將該當商等覓公銀二十五萬兩發交領辦

又將該商等借給銀二十五萬兩足可辦理裕如百姓亦不食淡如蒙

聖恩俞允除克公銀二十五萬兩卽交現行各商按一分起息外其該商等所借銀二十五萬兩亦照一分起息其所得利銀按年統交臣穆 解交內務府完公其該當商所借本銀二十五萬兩分拾年令各商按限扣還所有一分利息亦按成本歸還之數逐年遞減如此酌劑則運銷南引旣得寬裕民不食淡該當商等亦可仍守本業而其應行治罪之處復得邀

恩寬免惟有感激

皇仁踴躍報効臣伊臣長臣謬公同商酌意見相

同是否有當謹恭摺奏

聞伏乞

皇上睿鑒訓示再臣伊於拜摺後卽於十二日趨行合

併陳明謹奏請

旨乾隆五十三年十月十九日奉

硃批如所議行欽此

題開缺山奉部駁查覆勘請封原勘官部議應
查叅議處

戶部奉據河南巡撫梁肯堂奏稱河內縣民許九
章等以祖遺許家河等處山場產有鉄礦今有江蘇
商人錢世昌等出本開採呈准陞任撫臣畢批司
飭勘旋據該府縣勘明由前布政司江詳請畢

恭疏具題在案嗣准部咨以抽收稅課未協並煤
密何以不收稅課一并行查又經畢批司覆核旋
卽陞任卸事臣抵任後准部咨催隨卽檄委南汝光

道萬寧親詣覆勘切實定議詳覆前來臣覆詳加察
核查許家河等處山場延袤三十餘里其採煤採鉄
之處接壤山西在在崇山峻嶺前經許九章等呈請
試採已開爐十座并商未呈明之張家庄牛家坂紅
山嶺鑼圈估等處山場未經開挖若一概採鑿需人
更多姦良易於叢雜況查該處僻在深山附近並無
居人多係外來游民聚處採挖愚民趨利若鶩勢必
日積日多雖派有懷慶府通判稽查而鞭長莫及不
惟防範難周亦恐恃衆滋事且恐有私販偷漏等弊

臣愚以爲事後追求莫若事前禁止現據該道萬寧
親歷周察該山實係逼近邊省向無居民且山谷幽
深稽察匪易卽每山設爐十座而所收鉄課甚爲有
限未便以先經具題在案卽行議准應請

旨勅下部臣將許九章呈請在於許家河開採鉄砂之案
卽行註銷臣卽一面另派該道府將許家河張家庄
牛家坡紅山嶺鑼圈估五處概行封禁毋許本地及
外來民人在地開採如有私行偷挖卽行嚴拿重究
以杜滋事而靖地方理合恭摺具奏等因奉

硃批該部議奏欽此欽遵抄出到部臣等伏查天地自然之利苟於地方無碍於民生有濟固應隨時籌辦以收實用而興利必先除害不得僅徂目前以致滋生事端故各省礦場稍有關係例應封禁先據陞任撫畢奏河內縣李村地方有許九章祖遺許家河張家庄牛家坡紅山嶺鑛圈佔等處山場出產鉄鑛質厚砂旺山中產煤足資鑄煉雇用附近村民無須招募遴委府縣親勘屬實應准開採等因經臣部以爐座與稅課不符且所繪圖內註有煤審字樣其是否

實因開礦鍊鉄始行開挖煤塊抑係舊有窰座今始
藉開礦名目朦混夾開之處不可不嚴查辦理至既
開窰座卽應抽收稅課 疏內亦未詳晰聲敘行令
該撫將一切應行查辦事宜另行據實查明 奏報
到日再行核議在案今既據該撫將該處實在情形
據實覆

奏是該處山嶺幽峻旣易藏姦招募游民尤虞滋事爲
利甚微而爲害甚鉅與該陞任撫臣畢 從前 題
報情形大相懸殊自應如該撫所 奏永行封禁如

有私行偷窆卽行嚴拿重究仍令該撫將未經封閉
以前所收課銀按數追解司庫報部查核仍將前次
含混詳報及不行詳查率轉各上司職名卽行查取
送部查議應俟

命下之日行文該撫遵照辦理等因乾隆五十四年八月
二十三日奉

旨依議欽

玩愒巡洋並無失事比照逗留觀望不依期進
兵失愒軍機律擬斬監候

江督書 奏竊照漕標塩城營守備唐國泰怠玩巡

洋經臣叅奏革職行司提審茲據蘇州藩臬兩司等

飭委蘇州府庄志伊署松江府知府汪廷昉常州府

知府李廷敬會審定擬由司覆審招解到臣隨提唐

國泰及隨同巡洋外委楊可順張兆年到案親加研

訊緣鹽城營濱臨大海向例該營遊擊守備輪爲總

巡帶同弁兵出洋巡緝按季更替乾隆五十三年秋

季分應輪守備唐國泰帶同外委楊可順張兆年出
洋詎唐國泰因患腹瀉卽逗畱在署止令外委楊可
順張兆年前往經該管遊擊屢次催促唐國泰仍托
病延挨直至八月二十二日始帶兵駕船開行十餘
里又以風逆不能行駛旋卽停泊據該遊擊楊瑞鼎
詳揭到臣經臣恭摺奏 奏請

旨將唐國泰革職行據江蘇藩臬兩司審擬招解前來臣
以該叅備奉派巡洋乃敢托病逗畱不前恐有得受
盜匪賄賂故意縱弛情弊竊加嚴訊據供巡緝海洋

如能拿獲奸匪卽可邀功焉肯貪圖匪人財賄任意
廢弛況本年秋季海洋寧謐並無盜匪行劫之事矢
口不移似無遁飾查律載領兵官已承上司調遣逗

遛觀望不依期進兵接應而失悞軍機者斬監候等

語今已革守備唐國泰係輪派外洋總巡之員有督
率隨巡各弁之責乃旣托病逗遛不依期出哨追經
該管遊擊催促登舟又復停泊近處始終並不出洋
設有疎虞貽悞不小未便以海洋寧謐尚無失誤稍
爲輕縱唐國泰應卽比照領兵官已承上司調遣逗

遛觀望不依期進兵策應因而失誤軍機者斬監候
律擬斬監候秋後處決以爲玩視巡洋者戒隨巡外
委楊可順張兆年訊係依期出洋應毋庸議所有審
擬緣由理合恭摺具 奏并另錄供單敬 呈
御覽爲此奏

聞伏祈

皇上睿鑒乾隆五十三年十二月初十日奉

硃批該部議奏欽此

刑部奏查已革守備唐國泰係輪派外洋總巡之員

有督率隨巡各弁之責乃旣托病逗遛不依期出哨
迨經該管遊擊催促登舟又復停泊近處始終並不
出洋實屬心存畏怯任意玩延未便以海洋寧謐尚
無失悞稍爲輕縱唐國泰應如該督所奏比照領
兵官已承上司調遣逗遛觀望不依期進兵接應因
而失悞軍機者斬監候律擬斬監候秋後處決以爲
玩視巡洋者戒該督奏稱隨巡外委楊可順張兆
年訊係依期出洋應毋庸議等語應毋庸議臣謹會
同寺院合詞恭摺具奏伏祈

皇上睿鑒乾隆五十二年十二月二十日奉

旨依議欽此

捏報會哨發往伊犁當差如果風大難行准知
會改期

乾隆五十四年十月十八日奉

上諭海洋會哨立法甚嚴該鎮將等訂期會巡洋面本有
一定章程原不得因偶遇風信觀望不進前因護溫
州鎮李定國巡洋會哨因風大難行停泊小門洋自
應據實報明乃既未經前往沙角山會哨復捏敘會
哨之印文繞道責殺朦混捏飾是以發往伊犁以示
懲儆但巡洋會哨排兵打仗刻不容緩者此若屆

期遇有颶風陡發該鎮將等因恐遲逾程限身獲重
譴輒冒險放洋前進使專閫之員及將弁兵丁嘗試
於暴風巨浪之中國家政體亦不忍出此嗣後各該
鎮定期會哨勿實有風大難行許其據實報明督撫
並令該鎮等彼此先行知會卽或洋面風大雖小船
亦不能行走不妨遣弁由陸路徑道札知以便訂期
展限再行前往但該督撫等務須詳加查核設有藉
詞捏飾卽應嚴叅治罪若果係爲風所阻方准展展
日期以示體卹而崇實政前聞閩省洋面每遇九月

颶風較多而江南浙江廣東海洋風信大畧相同會
經降旨令該督撫按各處洋面風信平順之時另行
會商酌定月分不必拘定三月九月會哨旋據伍拉
納等覆奏海疆金門二鎮每年三月九月於涵頭巷
會哨之期因其時風信靡常並多海霧改爲四八兩
月已如議准行嗣後自必遵照定期不致冒險今復
格外加恩該鎮將等恃有此恩旨遂爾任意託故遲
延或藉詞耽逸致悞巡洋要務一經查出必照李定

國之例治罪若該督撫並不留心察訪輒據該鎮將

等捏詞稟報扶同徇隱亦必一併治罪斷不能稍爲寬貸也將此通諭知之欽此

副將在洋被盜擊毀船隻捏報遭風知縣扶同
混稟副將發伊犁知縣杖徒不准授 赦

刑部奏據兩廣總督福 奏署廣東春江協副將劉
天爵等出洋巡哨被賊擊毀船隻捏報遭風署陽江
縣知縣李卓雲扶同混稟審擬治罪一摺奉

硃批該部議奏欽此查律載將帥守備不設備被賊擄掠人
民杖一百發邊遠克軍又例載賊眾擄掠所蓄銀糧
不曾殺害軍民者俱同守備不設備被賊擄掠本律發
邊遠克軍各等語今署副將劉天爵帶兵巡洋遇賊

不能緝捕率以船漏駛回任賊逃逸且于軍械搬移
之後船隻不能防範被賊擊毀卽屬守備不設復希
圖卸罪捏報遭風實屬藐玩雖此案盜犯現被官兵
整獲多名並非劉天爵任內之事未便以其曾經擊
斃多名稍爲寬貸劉天爵應如該督福 等所

奏照守備不設被賊擄掠發邊遠克軍例從重發往伊
犁克當苦差先于犯事地方枷號三個月滿日再行
發遣護守備李廷揚隨巡出洋被賊毀船又聽從捏
報亦應如該督福 等所 奏與劉天爵一例擬軍

從重發往伊犁効力贖罪總督福 奏稱署陽江縣
知縣李倬雲雖訊無串囑情事但不查驗確實率行
轉稟卽屬扶同捏報應於劉天爵遣罪上減一等杖
一百徒三年以示懲儆兵丁潘李進梁文雄等四十
九名聽囑裝傷事由本官主使應各照不應重律杖
八十均折責三十板等語查劉天爵李廷揚李倬雲
雖犯在乾隆五十五年正月初一日

恩詔以前但劉天爵李廷揚被盜毀船捏報遭風李倬雲
扶同混報情節俱重所擬遣徒各罪均不准其援減

兵丁潘李進等所得杖罪均予寬免仍革伍該督福
等奏稱盜犯林亞五等十八名案情重大先經正
法奏明餘犯分案具題從重辦里被毀官兵船
隻在於劉天爵李廷揚名下分別追賠造補等語查
盜犯林亞五等十八名前據該督福等拿獲審明
業經奏明正法應毋庸議其餘各犯應令速飭審
擬具奏餘均應如所奏完結再該督福等奏
稱叅革守備林溥把總施洪榮外委梁天中蕭英隆
雖同時出洋但究明實係分道哨巡並未相遇海面

遼瀾聲息難通無從應援若竟行斥革未爲平允
應請

旨并失察各上司職名另行咨叅等語恭候

命下移咨吏兵二部照例辦理爲此具奏伏乞

皇上睿鑒乾隆五十五年二月初九日奉

旨

言

皇土輿鑿鑿正十正年二月四日奉

命丁緣咨吏兵二部照例轉照此具奏外

旨其夫察各土同鄉各民各咨緣華請恭判

飄蕭

泰隆經息曠畝無資飄渺音貢子承革未竟

兵丁強鎖吏目照軍營鼓躁例卽行正法

乾隆五十二年九月二十八日奉

上諭據舒常奏靖州吏目陸禮輿因家人華坤向兵丁李

凱買梨喧鬧該吏目鎖入訊明當令開放鎖鍊並將

家人責處董世璉不許私開次日吏目經過副將衙

門董世璉等將該吏目用鍊套項經千總張宗榮喝

散並據飭司訊取張宗榮等供出係副將向維照派

令孫彪等前往吏目衙門不許開鎖及發稟稿諭于

總捏稟華坤行用小錢買梨各情節請將尚維照解

任一併質審等語吏目陸禮輿訊知家人與兵丁買
梨起衅鎖押兵丁卽將家人責處釋放兵丁並無不
是乃兵丁董世璉挾嫌逞忿始而不准關鎖繼而用
鎖套項其情甚屬可惡吏目雖屬微員究係職官卽
有理缺之處亦應稟請該管上司究辦何得擅行鎖
項殊屬目無法紀此而不嚴加懲治必起兵丁鼓躁
之漸兵丁董世璉著照軍營鼓躁之例卽行正法以
昭懲創至副將尚維照平日旣不能約束兵丁復私
寫稿囑令捏稟居心狡詐已可概見何待根究尚維

照卽着革職嚴審此案情節較重該督撫等應自行
提訊從重辦理何乃竟委之兩司審問殊屬玩縱著
嚴行申飭其案內有無別項情弊及其餘犯証並著
舒常一體嚴審定擬具奏該部知道摺並發欽此

衝散潰兵在村藏匿不卽投出外擬發伊犁克
當苦差奉 旨給兵爲奴

乾隆五十三年六月初四日奉

上諭據福康安等奏查明無著潰兵嚴行究辦一摺已批
該部知道矣至其摺內稱潰兵陳選得等三十三名
俱係冲散後在義民村庄藏匿尚無從賊情事請貸
其一死仍發往伊犁克當苦差等語此等潰兵雖據
訊明因道路根塞不能投出尚無從賊情事但該兵
等派出隨征遇賊打仗時卽紛紛潰散不顧主將冲

散後又不即時投出轉在村庄藏匿雖與曾經從賊者情罪有間但僅發伊犁克當苦差不足示懲著改發伊犁給兵丁爲奴以昭炯戒摺并發欽此

巡洋兵船被劫捏報遭風總兵扶同具報同在
船兵丁俱擬斬候

刑部奏據閩浙總督伍 奏竊照金門鎮標巡洋兵
船被盜行劫該營署遊擊徐璋捏報遭風總兵羅英
笈扶同轉報並遊擊徐璋服毒自盡一案經臣疊次
恭摺具 奏仰蒙

聖鑒在案臣抵廈門後嚴飭文武各員分頭緝拿正盜一
面行提巡洋兵丁及看守徐璋之弁兵等并羅英笈
到案審訊旋據報獲呂曉陳松等十三名到案究出

首夥各盜姓名住址卽派員密赴彭厝各鄉圍拿共
獲彭庇等犯五十名先後共計獲盜六十二名並於
各犯家內起獲原刦鉄炮烏鎗等械押解厦門隨委
道府等嚴審去後茲據審擬招解前來臣親提羅英
笈嚴鞫并提各犯督同該道府連日隔別研究緣本
年三月初一日例應金門鎮與海壇鎮會哨於涵門
港該鎮羅英笈因在本標洋面督緝盜匪委署本標
右營遊擊徐璋帶兵四十名駕坐戰船出洋會哨并
帶該營目兵郭瑞龍等十六名配炮位烏鎗腰刀藤

牌三十五件并鉛子火藥等物派令另駕快船一隻
該署遊擊卽令跟隨前往內兵丁蔡潮莊克成陳福
輝等三名均派而未到於二月二十三日開行因風
信不順就泊附近之烏沙地方二十七日出洋於三
月十五日齊至滄門港會哨事畢徐璋仍帶同目兵
郭瑞龍等戰船快船跟隨而回十七日駛至湄洲洋
面忽起大風徐璋戰船身大冲風前進而郭瑞龍快
船敲戢不前被風吹至賊仔澳十八早風定開行卽
遇盜匪彭庇陳松蔡豹呂曉等盜船四隻駛躡行劫

持械過船各兵見賊人衆均泅水分逃兵船軍械一
并被匪刦去撐駕回鄉彭庇等恐人認識兵船隨起
意拆毀滅跡有彭庇鄰族彭滿等七犯幫同將兵船
拆毀各將船板分散擄去各兵登岸沿海奔走於二
十一日回至金門署遊擊徐璋戰船已先於十九日
回營該兵丁赴營稟報徐璋一聞軍械兵船均被刦
去惶恐無措當卽往見總兵羅英笈回明被刦緣由
該鎮卽令據實稟報徐璋恐干重咎懇求緩辦容其
出洋趕拿盜賊冀倖輕減罪名該鎮隨卽允准二十

七日徐璋拿獲盜犯陳松等十一名起獲贓銀器械
令各兵查認均非軍船被刦兵器徐璋以軍械未獲
恐陳松等非此案正盜尚不敢據實報出又懇求總
兵羅英發捏報遭風失水軍器沉失可免叅處羅英
爰因其再四懇求旋亦許允徐璋回署令字識宋登
善創就報文喚同鎮署稿房王瑞龍相商王瑞龍阻
止徐璋令宋登善取洋錢十員給爲筆資王瑞龍卽
代改文稿申報該鎮羅英爰亦卽扶同轉報進臣駁
飭嚴查並據提臣哈 咨揭到臣臣卽一面恭摺奏

奏一面親來廈門究辦此案先經提臣派委護守備事
千總李文斌持令箭往金門提徐璋及目兵郭瑞龍
等到廈門訊究徐璋卽日登舟於四月十八日船抵
廈門港適羅英笈船隻亦來廈門徐璋過船稟見羅
英笈因事被連累面爲村斥徐璋心懷畏懼哭泣回
船輒剪短兒將跟丁遣出卽取所帶之鴉片用水化
服旋即上岸赴提臣衙門稟到派押徐璋之護守備
李文斌因未同舟管押已先回等候提臣哈卽令
李文斌將徐璋押發中軍訊供徐璋行至中營面色

業已發青不能言語該叅將卽交該弁延醫調治無效至二十日寃刻身死徐璋跟役具報病故羅英笈卽行轉咨到臣臣以徐璋甫經叅革正須從嚴究辦今忽報病故顯有情弊立卽飭委興泉永道明世銓等驗明實係生服鴉片毒發身死填格錄供詳報臣審訊之下研詰委員及兵丁人等僉供徐璋委係畏罪自服鴉片身死並無另有別情郭瑞龍等兵船實係遇風落後被盜圍劫將船隻軍械盡行遺失並無與盜相通及私賣情事提訊各盜犯彭鹿等逐一供

認於三月十八日在賊仔澳打劫兵船將鎗炮等械
埋藏家內船隻折毀等情並提羅英笈供認知情扶
同捏報不諱究詰至再矢口不移並又究出盜犯彭
庇等係積慣強盜常糾約族人彭佐等出洋疊劫多
案蔡豹陳松呂曉等亦係久經爲盜糾夥在洋歷次
行劫商船得贓纍纍查核報案均屬相符所有被劫
軍械鎗炮又係在各犯家中起獲其爲正盜無疑查
此案盜犯彭庇等糾夥出洋行劫兵船且行劫商船
多次俱係法無可貸彭庇蔡豹呂曉陳松彭佐彭五

彭七彭益元彭西彭相彭剡彭夏彭川彭聘彭培明
彭再來彭揀彭錢春彭受彭雨彭六彭實彭照彭西
吉彭鄒彭迎彭光彭得彭合蔣寵高韜陳尾蔡載陳
來葉開魏應林黎林魚陳懷蔡黠蔡元張彩吳檜陳
協王却范著林萬施日鄭耀葉四童善林順許長林
賜吳得意等五十五名合依江洋行劫大盜斬決例
擬斬立決梟示該犯等情罪重大未便稍稽顯戮臣
於審明之日卽恭請

王命飭委興泉永道胡世銓署水師提標中軍叅將李得

勝將盜犯彭庇等五十五名綁赴廈門港商船輻輳處所處斬示衆訖仍傳首犯事地方梟示彭滿彭醋彭緩彭批彭團彭色楊委等七犯雖未隨行因洋爲盜但幫同拆毀兵船亦未便輕縱應照例擬斬監候先行刺字候滿三年再行發遣徐璋業已自盡毋庸議外將羅英笈及兵丁郭瑞龍等俱擬斬監候李文斌擬遣王瑞龍等擬以徒杖逸犯彭烈旺等十七名獲日另結等因具奏前來查律載江洋行劫大盜立斬梟示又棄毀軍械至二十件以上者將領擬斬

監候軍人減一等杖一百流三千里又官軍臨陣先
退者斬監候又軍臨敵境故違期三日不至者斬監
候又乾隆五十二年十二月內臣部議覆兩廣總督
孫 奏拿獲洋盜王馬成等一案將該督擬以情有
可原之郭韋并年未及歲之陳累范休三犯改擬斬
梟示衆具 奏奉

旨此案郭韋陳累范休俱未隨同行劫分贓著從戍爲應
斬監候秋後處決俟滿三年再行照例分別發遣完
結欽此欽遵在案此案拿獲盜犯彭庇等五十五名

糾夥出洋叠劫商船多次復敢行劫兵船軍械俱屬
情罪重大業據該督於審明後恭請

聖命斬決梟示習遊擊徐璋帶兵出洋會哨致船隻軍械
盡被盜劫乃敢捏報遭風情殊欺罔應照將領棄毀
軍械律擬斬已經畏罪自盡毋庸議外總兵羅英笈
身為專閫大員並不親身出洋會哨迨兵船被劫該
犯明知緣由又不據實揭參乃徇延欺飾殊屬骫法
營私應如該督所 奏羅英笈應與徐璋一律同科
照將領棄毀軍械律擬斬監候兵丁郭瑞龍洪士玉

李連芳許士元許志良洪順良林守義莊天助陳德
寶辛海貞鍾信宗洪榮昌李連成等十三名雖訊無
與盜相通私賣軍器情事但出洋巡緝遇盜搶刦不
能抵禦輒棄船械泅水分逃實屬畏怯未便照軍人
棄毀軍械二十件以上律擬流致滋輕縱應如該督
所奏從重照官軍臨陣先退者斬監候律擬斬監
候兵丁蔡朝佐莊克成陳福輝等三名奉派巡洋胆
敢潛匿家中並不前往巡哨玩法已極亦應如所

奏照軍臨敵境故違期三日不至者斬監候律擬斬

監候俱秋後處決該督奏稱羅英笈等情重均屬
重大俱應趕入本年秋審情實等語查該省本年秋
審案件業經具題到部此案該犯等應卽由部入
於本年秋審辦理以昭炯戒彭滿彭醋彭綏彭批彭
團彭色楊委等七犯旣據該督訊明並未隨行出洋
爲盜但帮同拆毀兵船亦難輕縱均與廣東省王馬
成案內情有可原之夥盜郭章等事同一例應如該
督所

奏彭滿等七犯均擬斬候行令該督等飭屬嚴加鎖固

俟滿三年再行解部發遣黑龍江給披甲人爲奴逸
盜彭烈旺等十七名仍令該督嚴飭文武員弁上緊
緝拿務獲毋使一名漏網該督奏稱護守備事千
總李文斌特令往提徐璋並不親身押解使令乘閒
服毒自盡雖訊無徇情故縱應照例從嚴治罪發往
伊犁克當苦差營書王瑞龍得受徐璋洋錢十元折
實庫平紋銀六兩二錢若照官吏受財僅止杖責未
免輕縱應從重照蠹役詐贓六兩至十兩例杖一百
徒三年字識宋登善係說事過錢應與王瑞龍一律

同科亦應杖一百徒三年到配所各折責四十板擺
站跟丁謝西張進祿並不小心照看致令本官乘閒
服毒應與報事不實之兵丁王元升均照不應重律
杖八十折責三十板革伍失察盜犯各地保及不能
禁約子弟爲盜之各該父兄分飭所屬查拘照例發
落所有兵船失事洋面係湄州賊仔澳深水外洋該
營員弁毫無覺察未便照尋常疎防議處相應請

旨將護海壇鎮標右營遊擊事候補守備富興署中軍守
備事金門鎮右營千總蔡龍得革職的於海洋緝拿

盜匪起獲各軍械交原營歸號配用賊械賊船分別
銷燬變價入官所刦客船贓物銀錢衣服事主認領
至徐璋所服鴉片買自何人業已身故無從查究應
免置議等語均應如該督所 奏完結仍令該督等
將叅革守備富興千總蔡龍得留於海洋地方將未
獲逸盜彭烈旺等十七犯嚴飭緝拿務期全行弋獲
以靖海疆再該督 奏稱海壇鎮總兵丁朝雄彼時
係在北洋一帶追拿盜匪刺斃等犯未及親身前往
委員代行會哨報明有案但究屬疎防應請交部議

處其汛防員弁查明咨部斥革至各案行劫商船案
案仍查取應叅文武各職名咨部照例辦理等語恭
候

命下移咨吏兵二部照例辦理臣等合詞具奏伏乞
皇上聖鑒乾隆五十四年六月二十七日奉

旨依議

出征兵丁沿途病故長支銀兩准其寬免

乾隆五十三年十二月二十二日准

戶部咨准廣東巡撫圖 咨稱據布政司許 等詳

稱查廣西省官兵赴關剿匪經由粵東支過一個月

鹽菜銀兩數目造銷奉准部覆事竣造冊到日再行

核辦等因嗣據各屬造報廣西各起官兵行抵粵東

境內先後病故兵丁共十四名共長領鹽菜銀四兩

六錢二分查粵東原咨案內聲明廣西官兵經由粵

東 竟起在於封川縣舊站及在省換船處所之而

查縣合給一個月鹽菜銀兩前進粵省照交過銀
兩數督造銷今廣西病故各兵既有長支鹽菜銀兩
事關報銷應將長領銀數咨明廣西省扣還就近報
撥以免往返批解欸項久懸除將支過一月鹽菜銀
兩造冊另案報銀外理合詳請咨部暨咨廣西撫院
轉飭查照扣還報撥咨覆粵東知照等情除咨兵部
暨移咨廣西撫院外相應咨達等因前來查定例派
往出征兵丁沿途病故其長支借支銀兩准其寬免
今廣西省派赴閩省兵丁沿途病故兵丁十四名共

長支鹽菜銀二兩六錢二分係例應寬免之項毋庸
在於廣西扣還應令廣東巡撫轉飭聲明造入奏銷
冊內送部查核并知照廣西巡撫可也

